





大政官文庫			
		一	漢
		二	書
五	六	三	
四	一	二	
冊	架	函	號

內閣文庫			
		一	漢
		二	書
三	六	三	
五	四	二	
函	冊	架	類

內閣文庫			
番號	漢	1263	
冊數	54	25)
函號	275	251	



葉太史叅補古今大方詩經大全卷之七入庫



禮部左侍郎 臺山 葉向高 編纂
翰林太史 瀛海 張以誠 校正
閩芝城建邑 書林 余氏 仝梓

小雅二

大雅說附

雅者正也。正樂之歌也。其篇本有大小之殊。而先儒說又各有正變之別。鄭氏曰：小雅大雅之時詩也。小雅自鹿鳴至菁莪十六篇。大雅自文王至卷阿十八篇。為正經。小雅十六篇。大雅之正小雅。燕饗之樂也。皆中庸尊賢親親體諸侯之事也。懷正大雅會朝之樂。受釐音陳。

別



戒之辭也安成劉氏曰慶源輔氏曰釐字僖同祭而受福
 饗之樂歌正大雅為會朝之樂歌此故或歡
 之大序政有大小之說更為明切
 欣和悅以盡群下之情或恭敬齊莊以發先
 王之德詞氣不同音節亦異朱子曰小雅施
 雅則正人君可歌安成劉氏曰小雅正詩
 歌之以燕樂勞享群臣故其辭氣歡忻和悅
 以通上下之情大雅正詩或歌於會朝之時
 如文王大明詩篇或陳於進成之際如公劉卷阿詩
 行葦詩篇或陳於進成之際如公劉卷阿詩
 篇則其辭氣又皆恭敬齊莊以發先王之德
 此其詞之異者今猶可考若多周公制作時
 其音節之異則不可聞矣
 所定也朱子曰周公相成王定樂歌每事以
 是詩則奏及其變也則事未必同
 附之孔氏曰王政既衰變雅兼作取大雅之
 音歌其政之變者謂之變大雅取小雅之

之音歌其政之變者謂之變小雅故變雅皆
 由音體有大小不度由政事之有大小也
 朱子曰亦是變用他大雅小雅腔調耳慶
 源輔氏曰至於其變則不可以例言但以其
 聲之有合故以其次序時世則有不可考者
 矣安成劉氏曰其有可
 考者則已各見本篇

鹿鳴之什二之一

雅頌無諸國別故以十篇為一卷而謂之什
 猶軍法以十人為什也孔氏曰風及商魯頌
 以同卷二雅周頌篇數既多故分其篇每十
 為一卷首卷之篇則為什
 長以統餘篇之目也

呦呦鹿鳴食野之苹我有嘉賓鼓瑟吹笙
呦音幽 鳴叶音芒 華叶音旁 笙叶

師莊反

簧音黃

好呼報反

吹笙鼓簧承筐是將人之好我示我周行

興也吻吻聲之和也革籟籟音蕭也爾雅注曰青

白壘如筋陸氏曰始生香我主人也賓所燕之客

或本國之臣或諸侯之使也瑟笙燕禮所用之樂

也儀禮燕禮曰工四人二瑟工歌鹿鳴四牡皇皇

廬陵李氏曰鼓瑟工歌鹿鳴之二是也吹笙笙奏

南咳以簧笙中之簧也華谷汲氏曰笙以匏為之

下是也端吹笙則鼓動承奉也筐所以盛幣帛者也將行

也奉筐而行幣帛飲則以酬賓送酒食則以侑賓

勸飽也安成劉氏曰儀禮有饗有食有燕上則无

鄭氏謂酌幣以酬賓勸酒侑幣以為食周行大道

也苦者於旅也語故欲於此聞其言也孔氏曰

道疾於旅也語注云禮成樂洽乃可以言語先王之

正禮已終然後言語無節以盡嘉賓之忠告而明聖人

道也○此燕饗賓客之詩也廬陵李氏曰饗在廟

饗則君親獻蓋君臣之分以嚴為主朝廷之禮以

敬為主然一於嚴敬則情或不通而無以盡其忠

告之益故先王因其飲食聚會而制為燕享之禮

以通上下之情而其樂歌又以鹿鳴起興兩山真

臣賓主之相呼吻上焉而樂君而言其禮意之厚如

此庶乎人之好我而示我以大道也孔氏曰王肅

我琴瑟以樂之幣帛以將之則庶乎好愛我而示

學問無一事而非道德鹿鳴之具樂將幣人見其

和樂而已不知吾君所望於佳賓者有愛我之心則當示我以至道也講聖人之道德談先王之禮樂皆稱云記篇縮衣曰私惠不歸德君子不自留焉以道也蓋其所望於群臣嘉賓者唯在於示我以大道則必不以私惠為德而自留矣嗚呼此其所以和樂而不淫也與虞源輔氏曰言人君以私意為惠而也今其所望於群臣嘉賓者唯在於示我以大道則群臣嘉賓之受宴也非以其私惠而不顧德以自流處也故曰此其所以和樂而不淫也欬受成劉氏曰陳浩云記言人自留處也故引詩言不留私惠之義

○吻吻鹿鳴食野之蒿我有嘉賓德音孔昭視民不忮君子是則是儆我有旨酒嘉

賓式燕以教

教牛刀反

興也蒿葭去刃也廬陵羅氏曰荆楚即青蒿也注曰春生苗葉秋開淡黃花結子如粟米大孔甚昭明也視與示同曰古字以目視物以物作示人同作視字後世目視物為示傍見示人物作單示字由是經傳中示與相亂忮偷薄也教游也○言嘉賓之德音甚明足以示民使不偷薄而君子所當則儆則亦不待言語之間而其所以示我者深矣釋子曰言加賓聞人之儀法之

○吻吻鹿鳴食野之蒿我有嘉賓鼓瑟鼓

本其合反

樂音洛 湛都南友叶持林反

琴鼓瑟鼓琴和樂且湛我有旨酒以燕樂
嘉賓之心

興也。荇草名。莖如釵股。葉如竹。蔓生。陸氏曰：生澤中。下地。鹹也。
牛馬喜食之。湛，樂之久也。燕，安也。○言安樂其心，則非
止養其體，娛其外而已。蓋所以致其殷勤之厚，而
欲其教示之無已也。慶源輔氏曰：此章再言樂之
教，有旨酒以燕樂其心，則又見和樂之意，未久无
聽之羨而已。其所望於嘉賓，教示之意益深至矣。

鹿鳴三章章八句

按序以此為燕群臣嘉賓之詩，而燕禮亦云

工歌鹿鳴四牡皇皇者華，即謂此也。卿飲酒
用樂亦然，而學記言大學始教宵雅肄三亦
謂此三詩。卿飲酒注曰：諸侯卿大夫貢上而
以善道又有明德，可則效也。四牡，其嘉賓示我
之至也。皇，單采其欲咨謀于賢智也。○學記
注曰：宵，小也。肆，習也。三謂鹿鳴四牡黃華然
也。○陸氏曰：古宵，小同。故謂小人為宵人。然
則又為上下通用之樂矣。豈本為燕群臣嘉
賓而作，其後乃推而用之鄉人也。陸氏曰：
用之樂如鹿鳴三篇及嘉魚麗南山有臺
二篇風則，是閑雅卷耳采芣采芣等篇不知
當初何故獨取此數篇也。○安成劉氏曰：先
王作此詩以燕享賓客，後乃推而用之於諸
侯之燕禮。又用於卿大夫貢士之禮，又用於
大學之教習。蓋不專用於天子也。今據之射
儀，亦有歌鹿鳴之文，則又通用於諸侯之射
禮矣。然考儀禮凡上下通用之樂，止是小雅

二南諸侯而無歌大雅者可見大雅獨然於
 為天子之樂此二雅大小所以分也
 朝曰君臣焉於燕曰賓主焉先王以禮使臣
 之厚於此見矣。范氏曰食之以禮樂之以
 樂將之以實求之以誠此所以得其心也賢
 者豈以飲食幣帛為悅哉夫婚姻不備則貞
 女不行也禮樂不備則賢者不處也賢者不
 處此豈得樂而盡其心乎慶源輔氏曰范氏
 食幣帛而悅之意甚好然則先王制禮所以
 殷勤如此者亦非以為媚賢之甚也各盡其
 道而已。安成劉氏先王宴臣下食之以賓客之禮樂之
 琴瑟將之以筐篚實而其示之誠則又燕樂其心而欲其
 示我以周行此其多儀之及物所以為王公
 之尊賢也
 賢也
 騏芳非反
 倭於危反
 騏音古

四牡騑騑周道倭遲豈不懷歸王事靡盬
 我心傷悲

賦也騑騑行不止之貌周道大路也倭遲回遠之
 貌盬不堅固也行曰氏曰說文云煖海為盬煖也為
 此勞使臣之詩也夫君之使臣臣之事君禮也
 故為臣者奔走於王事特以盡其職分之所當為
 而已何敢自以為勞哉然君之心則不敢以是而
 自安也故燕饗之際叙其清而閔其勞言駕此四
 牡而出使於外其道路之回遠如此當是時豈不
 思歸乎特以王事不可以不堅固不敢徇私以廢

公是以內顧而傷悲也臣勞於事而不自言君探其情而代之言上下之間可謂各盡其道矣補氏曰古之勞傳曰思歸者私恩也靡監者公義也傷悲者情思也情思即私恩正謂念慮父母也無私恩非孝子也無公義非忠臣也君子不以私害公不以家事辭王事范氏曰臣之事上也必先公而後私君之勞臣也必先恩而後義

○四牡騑騑嘽嘽駱馬豈不懷歸王事靡

盥不遑啟處

是音卑

單他冊友

駱音各馬川滿補友

賦也埤埤衆盛之貌白馬黑鬣曰駱遑暇啓跪處居也居則坐也○華谷漢氏曰跪者雙膝着地而謂不遑暇居處耳○愛源輔氏曰我心傷悲既述其私恩之不能忘不遑啓處又述其公義之不可已所謂天理人情之至也

○翩翩者騅載飛載下集于苞栩王事靡

盥不遑將父

父扶兩友

翩翩者任川朱健友 下叶後五友

栩况甫友

興也翩翩飛貌騅夫不也不方浮反又如字也爾雅作鳩今鶉鳩也凡鳥之短尾者皆騅屬將養也○翩翩者騅猶或飛或下而集於所安之處今使

人乃勞苦於外而不遑養其父此君人者所以不能自安而深以為憂也范氏曰忠臣孝子之行役未嘗不念其親君之使臣豈待其勞苦而自傷哉亦憂其憂如已而已矣此聖人所以感人心也
輔氏曰君之於臣能體悉之如此則臣之所以報上者又當何如哉古人事君得以此展布四體而死生以之者亦以人君感之者无不盡其道也
山謝氏曰忠孝不兩全此人情之所難也先王勞使臣而言之及此探人情真切而言之也

○翩翩者騅載飛載止集于苞杞王事靡盬不遑將母

興也杞枸音莠檻音計也
薛谷氏曰本草云名位人杖西王母杖根名地骨崖聲

三五尺作叢詩中有三杞將仲子樹杞柳屬也南山有杞湛露杞棘山木也
杞詩苞杞四月杞換也其私恩公義矣故三章四章又述其託物起興而又道其不遑養親之情
驟助救反驟侵寢二音

○駕彼四駘載驟駉駉豈不懷歸是用作

歌將毋來諗

叶深審二音

賦也駉駉駉貌諗告也以其不獲養父母之情而來告於君也非使人作是歌也設言其情而勞之耳
來告者安得不聽其請乎此蓋設言欲使人臣忠孝兩全也
孔氏曰臣有勞苦患上不欲使人君勞臣言乃曰豈不思歸作歌來告是祭其情以勞之獨言將母者因上章之文也
孔氏曰母以恩意

言之曰解陽范氏曰父至尊也母至親也知母之親則知父之尊矣卒章再言母本其思所起以教愛也愛其母則敬父矣慶源輔氏曰三四章未言其不愛也其君者也○慶源輔氏曰三四章未言其不謂臣下不敢自公義而君上探其情而為之告於上所謂然忠孝非二道忠於君者必其能養於親者也禮記必當以自慰而益不解於用力矣人臣者聞之亦

四牡五章章五句

按序言此詩所以勞使臣之來甚協詩意源而外傳以為章使臣之勤所謂使臣雖叔孫

之自稱亦正合其本事也左春秋魯襄公四年晉上侯饗之哥鹿鳴君所以嘉賓君也敬不拜員問之對曰鹿鳴君所以嘉賓君也敬不拜華君教使臣曰必諮於周敢不重拜皇魯語曰叔孫穆子曰鹿鳴君所以嘉賓君也敬不拜之好也敢不拜章皇華君教使臣曰每懷臣之勤也靡及諷謀度詢必咨於周敢不拜教但儀禮又以為上下通用之樂疑亦本為勞使臣而作其後乃移以他用耳禮皆以為上下通用之樂不知如君勞使臣禮皆以為上下通用安得而用之朱子曰卿飲酒亦用而大季始此詩始知有君臣之義始得安成此詩始知有君臣之義始得安成此詩始知有君臣之義始得安成宴賓皇華之遣使者同為一時通用之樂而也王詩中以王事為言則此三詩其皆作于武

濕

皇皇者華于彼原隰駉駉征夫每懷靡及

華芳无反葉夫叶

駉所中反

九

興也皇皇猶煌煌也華草木之華也高平曰原下
隰曰隰駉駉衆多疾行之貌征夫使臣與其屬也
孔氏曰使與懷思也○此遣使臣之詩也君之使
臣固欲其宣上德而達下情而臣之受命亦惟恐
其無以副君之意也慶源輔氏曰惟恐无以副君
存此意則詠謀度詢必咨于周自不容已也○程
子曰遣使四方以觀省風俗采察善惡訪問疾苦
宣通化於天下故為使故先王之遣使臣也美其
行道之勤而述其心之所懷曰彼煌煌之華則于
彼原隰矣此駉駉然之征夫則其所懷思常若有

諷

○我馬維駒六轡如濡載馳載驅周爰咨

諷子頌子
侯二反

所不及矣每懷靡及者於事每思惟恐不及也
孟亦因以為戒然其辭之婉而不迫如此詩之忠
厚亦可見矣慶源輔氏曰以為戒者即穆子所謂
遂直言之乃設言其使臣之意夫欲以為戒而不
不迫也○豐城朱氏曰每懷靡及者每事而思之
則必歎然常若有所不及也然不曰使臣而曰征
夫則不特使臣此心其屬亦此心也推此心以在
外則耆老之在所當問道逸之在所當求鰥寡之
在所當恤廢墜之在所當奉德之厚而欲其无
不宣下情之遠而欲其無不達為使臣者固惟恐
無以副君之意而為其屬者又惟恐無以為使臣
之助庶可以稱斯職矣於遣使之時而歌此固所
以勸勉之也

賦也如濡鮮澤也周徧爰於也咨諏訪問也三山李氏曰周爰咨諏徧於其所而詢問之○使臣自以每懷靡及故廣詢傳訪以補其不及而盡其職也程子曰咨訪使臣之大務戶陵歐陽氏曰周詳訪問以傳采廣聞不及者心也諏謀度詢者事也○慶源輔氏曰每懷靡及者心也蓋謂人君正以耳目不足心則有是事矣故遣使以宣已意而通下情為之使者豈可不咨訪以副君意哉故後四章皆述此意而已

○我馬維駒六轡如絲載馳載驅周爰咨

謀叶吳非心反

謀

賦也如絲調忍音刃也也謀猶諏也變文以協韻耳

下章放此廬陵歐陽氏曰諏謀度詢但叶韻耳詩家此類甚多

○我馬維駉六轡沃若載馳載驅周爰咨

度

度詩沃反

賦也沃若猶如濡也度猶謀也安成劉氏曰沃若二章之如濡也

○我馬維駒六轡既均載馳載驅周爰咨

詢

詢叶余循反

賦也陰白雜毛曰駒爾雅疏曰陰淺黑色毛淺黑而白兼雜毛者今名泥駒

孔氏曰雜毛是體有均調也詢猶度也

皇皇者華五章章四句

按序以此詩為君遣使臣春秋內外傳皆云君教使臣其說已見前篇儀禮亦見鹿鳴疑亦本為遣使臣而作其後乃移以他用也然叔孫穆子所謂君教使臣曰每懷靡及詎謀度詢必咨於周敢不拜教可謂得詩之意矣范氏曰王者遣使於四方教之以咨諏善道將以廣聰明也夫臣欲助其君之德必求賢以自助故臣能從善則可以善君矣諫君矣未有不自治而能正君者也

常棣之華鄂不譁譁凡今之人莫如兄弟

興也常棣棣也子如櫻桃可食
棣之華則爾雅所謂棣也
之華則爾雅所謂棣也

氏說是餘意夫君臣一體已不能容
則若亦安能聽用已言哉
壯皇華先勞而後遣何也
禮樂不獨用於勞造意者以鹿鳴之
然說得精切大雅氣象闊小雅雅各指
重事近令孫子誦之則見其詩果是
鹿鳴見得實主相好之誠如德音孔昭
樂加賓之無心義非忠臣也
壯古注云無公義非忠臣也
也此語甚切當如既云王事靡盬又云
將父母皆是人情少不得底說得懇切
華云每懷靡及其後便云咨謀略詢看此
詩不用小序意義自然明白

郭五各友

常思友

弟音待

行正

甚力鄂鄂然外見之貌不猶豈不也。辭韡光明貌。○此燕兄弟之樂歌。故言常棣之華則其鄂然而外見者豈不韡韡乎。凡今之人則豈有如兄弟者乎。孔氏曰毛傳以為常棣之木衆單俱發實韡上言舉世之人也莫如兄弟。○韡韡范氏曰此今之人曰只是以豈不韡上與豈有如兄弟一句耳。

○死喪之威兄弟孔懷原隰哀矣兄弟求

矣

賦也。威畏懷思哀聚也。○言死喪之禍他人所畏惡惟兄弟為相恤耳。至於積尸哀聚於原野之間亦惟兄弟為相求也。此詩蓋周公既誅管蔡而作

故此章以下專以死喪急難闔闕之事為言其志切其情哀乃處兄弟之變如孟子所謂其兄關弓而射之則已垂涕泣而道之者。朱子曰此詩是這見先被他害所以當天平定後更作此詩故其詞哀切不似諸詩和平。○新安胡氏曰王氏云文武以來宴兄弟亦必有詩然鹿鳴四牡詩篇詞多和平唯常棣一篇詞多有激切意若有所懲創則周公因管蔡之事其後更為此詩無疑矣。序以為閔管蔡之失道者得之而又以為文武之詩則誤矣。大抵舊說詩之時世皆不足信舉此自相矛盾者以見其一端後不能悉辨也。震源輔章至四章雖是周公處管蔡之變故以死喪急難間闕之事為言然兄弟真切之情亦惟於此際而後見分曉若於安平之時觀之則人或以為朋友與兄弟等耳先王之制朋友之服視兄弟有差故特言之。

脊井益反今音零

惟叶泥公反

○脊令在原兄弟急難母有良朋况也亦

歎歎叶舟反
叶陀涓反

興也脊令雖渠水鳥也雁氏曰大如鷓鴣雀長脚長尾尖喙背上青灰色腹下
白頸上黑如連錢杜陽人謂之連錢○疾氏曰雪
姑况發語辭或曰當作况况上
則搖有急難之意故以起興釋子曰脊令首尾相應如此也○丘氏曰脊令飛則鳴急難之際兄弟相止猶兄弟在急難中其心亦不少自止○濮陽曰小宛題彼脊令載飛載而當此之時雖有良朋鳴亦言於兄弟之詩
不過為之長嘆息而已力或不能相及也東萊曰
氏曰踈其所親而親其所踈此失其本心者也

此詩反覆言朋友之不如兄弟盖示之以親踈之分使之反循其本也眉山蘇氏曰人之急難相救也雖有良朋其甚者不過為之長嘆息而已小人也雖有良朋其甚者不過為之長嘆息而已小人也雖有良朋其甚者不過為之長嘆息而已小人也
然有序兄弟之親既篤朋友之義亦敦矣初非薄於朋友也苟雜施而不孫雖曰厚於朋友如無源之水朝滿夕除胡可保哉或曰人之在難朋友亦可以坐視與曰每有良朋况也亦歎則非不憂憫但視兄弟急難為有差等耳詩人之詞容有抑揚三山李氏曰以天屬之親故急難之際能盡其兄弟之恩也然則朋友之義可廢乎曰非也親踈之義則然親踈者閑戶可也同室鬪者被髮纓冠而救之親踈然常棣周公作也聖人之言小大高之義如此

下皆宜而前後左右不相悖

閱音宜許歷友

務春秋傳作侮罔甫友

○兄弟閱于牆外禦其務母有良朋烝也

無戎 戎叶而主友

賦也閱闔狠也禦禁也烝發語聲戎助也○言兄弟設有不幸闔狠于內然有外侮則同心禦之矣雖有良朋豈能有所助乎臨川王氏曰狠于內非則雖每有良朋曾不如富辰曰兄弟雖有小忿不廢懿親僖公二十四年左氏傳左曰懿美也言內辰諫襄公曰古人和猶宜外并異族之侵侮人百里注云聞狠也兄弟雖以謔言相遠言猶禁他人侵侮已者百里喻遠也○慶源輔氏曰死喪相恤急難

相救固足以見兄弟之情矣至於方且闔闔于內而忽有外侮則同心而禦之則真見其情之不容已者朋友於此則豈能如兄弟之相助乎

○喪亂既平既安且寧雖有兄弟不如友

生 生叩桑經友

賦也上章言患難之時兄弟相救非朋友可比劉氏曰經文所謂喪亂者通言二章之死喪三章之急難四章之外侮也集傳所謂非朋友可比者雖言三章之良朋求者充非朋友之良朋無助然此章二章之所謂懷與求者充非朋友之良朋無助然此章遂言安寧之後乃有視兄弟不如友生者悖理之甚也眉山蘇氏曰人居喪亂既平之後不知前日生怨故有以為朋友貨於兄弟者

賓賓徹友

飲於慮文

樂音洛

○儻爾籩豆飲酒之飲兄弟既具和樂且

孺

賦也儻陳飫饜具俱也孺小兒之慕父母也

孺親慕之義小兒親慕父母故謂之孺子○言陳籩豆以醉飽而兄弟

有不具焉則無與共享其樂矣

友之禮常盛待兄弟之禮常簡愛有餘者敬或不

足恩情稔熟者禮文有時而脫畧也籩豆畢陳飲

酒而至於饜飲亦可樂矣何如會集兄弟不惟和

樂其情親義厚無異於孺子相慕也孺子之無不

愛其親無不敬其兄者人欲未萌天理昭著也

○妻子好合如鼓瑟琴兄弟既翕和樂且

湛

湛答南反叶侍林反

賦也翕合也○言妻子好合如琴瑟之和而兄弟

有不合焉則無以久其樂矣

乘氣雖有妻子之樂亦不安其樂矣惟兄弟和樂

則一家之情無不相宜妻子之樂亦不可長久蓋天

合者微有乖睽人言首亦不得康寧也○三山李

氏曰兄弟既翕必先於妻子者人之常也各妻其

妻各子其子兄弟之愛則雖家室妻孥必不能於此

若不能敦兄兄弟之愛則雖家室妻孥必不能於此

樂也○問六章七章就他逸樂時良必不能於此

謂酒食備而兄弟則無以久其樂矣蓋居患難則人

不期而相親故天理常隱而難生故卒章有是寃是

轉移故天理常隱而難生故卒章有是寃是寃是寃

其然乎之語反覆味真能使人孝友之寃是寃是寃

而生也○人欲而存天理也須是恁地看○慶源

詩

輔氏曰二章至四章言急難危殆之時惟兄弟為

能相救六章七章又言燕樂和平之際無兄弟則亦無與其享而久安之反覆而言則兄弟之情相與切至而不可解者自見矣

家叶古胡反

帑音奴

○宜爾室家樂爾妻帑是究是圖實其然

乎就用于字為韻

賦也帑子究窮圖謀實信也○宜爾室家者兄弟具而後樂且孺也樂爾妻帑者兄弟翁而後樂且湛也兄弟於人其重如此試以是究而圖之豈不信其然乎東萊呂氏曰告人以兄弟之當親未有不以為然者也苟非是究是圖實從事於此則亦未有誠知其然者也不誠知其然則所知者特其

名而已矣凡學蓋莫不然新安王氏曰人情皆知

罕知厚其兄弟然兄弟不和以至於毀其室其妻之相樂豈有之矣管蔡是也今欲室家之相宜妻子之圖謀好兄弟之事必以我言為然常人之思慮不能及遠以爲兄弟之情疎無甚損益患其淺陋而信故使深思而遠圖之也慶源輔氏曰賓爾遠豆飲酒之既然而兄弟不具則雖和樂而無親慕之意不厭之理然則鼓瑟琴然具兄弟不翁則雖和樂而無不疑爾妻也此理固當是究是圖而信其然矣

常棣八章章四句

此詩首章略言至親莫如兄弟之意次章乃以意外不測之事言之以明兄弟之情其切

如此三章但言急難則淺於死喪矣至於四章則又以其情義之甚薄而猶有所不能已者言之其序若曰不待死喪然後相收但有急難便當相助言又不幸而至於或有小忿猶必共禦外侮其所以言之者雖若益輕以約而所以著夫兄弟之義者益深且切矣輔氏曰自死喪而急難自急難而小忿所謂言之雖若益輕而所以約也然所以著夫兄弟之義者則自厚而至於薄雖薄而猶有至於五章遂言安寧之後乃謂兄弟不如友生則是至親反為路人而人道或幾乎息矣故下兩章乃復極言兄弟之恩異形同氣死生苦樂

伐木丁丁鳥鳴嚶嚶出自幽谷遷于喬木

丁陟排反

嚶于耕反

相息亮反

無適而不相湏之意卒章又申告之使反復窮極而驗其信然可謂委曲漸次說盡人情矣讀者宜深味之程子曰此詩句少而章多則各陳一事故也○安成劉氏曰五章言喪亂既平以結二章三章四章所以患難相與之意而起六章七章所陳兄弟之恩乃有甚薄者以湏之意卒章又以宜室家結六章所言樂相湏之意也卒章又復繼言其理之誠然使人有以考驗之也詩凡八章唯卒章無兄弟字餘章反覆言兄弟者哀傷激切故不若其他宴樂兄弟者樂

嚶其鳴矣求其友聲相彼鳥矣猶求友聲

矧伊人矣不求友生神之聽之終和且平

與也丁丁伐木聲嚶嚶鳥聲之和也幽深遷升喬高相視矧况也○此燕朋友故舊之樂歌故以伐木之丁丁與鳥鳴之嚶嚶而言鳥之求友遂以鳥之求友喻人之不可無友也人能篤朋友之好則神之聽之終和且平矣

品天叙人之大倫也朋友居一焉故謂之達道不由其道則人倫廢而天理滅得罪於天矣其能終和且平乎

伐木許許醜酒有與既有肥羜以速諸

父寧適不來微我弗顧於粲酒埽陳饋八

簋既有肥牡以速諸舅寧適不來微我有

咎

與也許許衆人共力之聲淮南子曰舉大木者呼和余應許蓋舉重勸力之歌也

對梁惠王曰夫舉大木者前呼後亦醜酒者
 應之○詩子曰夫舉大木者前呼後亦醜酒者
 或以筐或以草涕反上之而去其糟也禮所謂縮
 酌用茅是也禮記郊社特篇註謂茅以茅縮去
 子則某亦疑今人用茅縮酌古人芻狗乃酌酒之
 物則茅之縮酒乃今人酌酒也爾雅注曰俗呼
 帛故以茅蕤美貌并未成羊也五月羔為符呼
 縮酒也諸父朋友之同姓而尊者也其賢臣曰人君友
 召也諸父朋友之同姓而尊者也其賢臣曰人君友
 曰稱之曰父親親之辭也天子呼諸侯微無顧念
 也於歎辭粲鮮明貌八簋器之盛也長樂劉氏曰
 倍禮之天子諸舅朋友之異姓而尊者也孔子呼諸侯
 異姓大國曰叔舅先諸父而後諸舅者親疎之殺所
 及舅小國曰叔舅先諸父而後諸舅者親疎之殺所
 也答過也○言具酒食以樂朋友如此寧使彼

適有故而不來而無使我恩意之不至也華陽范
 適不來豈必期其至哉不來在人孔子曰所求乎
 弗顧在我躬自厚而薄責於人也孔子曰所求乎
 朋友先施之未能也此可謂能先施矣廣源輔氏
 顧言無使我恩意之不至而顧念夫朋友也微我
 有咎言無使我恩意之不至而顧念夫朋友也微我
 失也夫朋友之隙常生於迤相責望故此詩之意
 但欲盡其在我者而不問其彼之於我如何是誠
 處朋友之要道也
 伐木于阪醜酒有衍邊豆有踐兄弟無
 遠民之失德乾餼以愆有酒湑我無酒醑
 我坎坎鼓我蹲蹲舞我迨我暇矣飲此湑

阪叶字商反

踐在演方

醜音侯

愆叶起淺反

湑思呂反

矣

興也衍多也踐陳列貌兄弟朋友之同儕者無遠
皆在也先諸舅而後兄弟者尊卑之等也安成劉
言兄弟多矣鄭風揚之水婚姻之黨唐杜雅常
棟類弁斯干行葦等篇同氣之親也此乾餼食之
詩則同儕之友也各隨所指而不同耳乾餼食之
薄者也廬陵羅氏曰說文云乾食徐錯云今人謂
王制乾豆注謂為餼華谷辰氏曰公劉乃裹餼糧
腊之以為豆實迂過也滑亦酤也滑以蕪曰滑
者或用筐或用器也蕪草也醕酒醕買也坎坎擊鼓
聲躑躑舞貌躑躑山謝氏曰躑躑我滑之也酤我舞之
也此八字皆倒下句也迨及也言人之所以至於
失朋友之義者非必有大故或但以乾餼之薄不

輶

以分人而至於有愆耳故我於朋友不計有無但
及閒暇則飲酒以相樂也程子曰有盛饌當以燕
則不相及亦人之失德也故有酒則相與燕
飲以篤恩義○眉蘇氏曰民之及暇則相與
故君子於其朋友故舊與所愛者有則醕之無則
有以樂之○慶源輔氏曰民之失德或以舞盡其
口民則自上也○慶源輔氏曰民之失德或以舞盡其
飲酒不以相分之故蓋前章既言其相失德或以舞盡其
不薄者言之且乾餼之愆亦微過耳於微過而尤
伐木三章章十二句

劉氏曰此詩每章首輶云伐木凡三云伐木
故知當為三章舊作六章誤矣今從其說正
之問伐木大意皆自待朋友不可不
加厚之意所以感發之也采子曰然

單音丹

除音樹

天保定爾亦孔之固俾爾單厚何福不除
俾爾多益以莫不庶

賦也保安也爾指君也
廬陵歐陽氏曰詩人爾其
君者蓋稱天之常固堅單畫
抑非此無以著其親愛諄至之情也
也除除舊而生新也
君以鹿鳴以下五詩燕其臣臣受賜者歌此詩以
答其君言天之安定我君使之獲福如此也
臨川
曰君恩至重臣雖有犬馬之勞不足以爲上谷唯稱
其福祿以報之此章言天之安定我君亦其堅固也
慶源輔氏曰此章言天之安定我君亦其堅固也
使君無不極其單厚其於福祉無不見其除舊也
而生新矣使我君多見其悠久之益以莫不庶便

見其盛大之意終篇不過是此也
詩曰鹿鳴以下五詩所言非此也
者蓋此臣子之祝報其君唯願其壽考也
試取前五詩分而讀之而各以此詩爲之左可見
殷勤忠厚之意與

戰子淺友

○天保定爾俾爾戩穀罄無不宜受天百
祿降爾遐福維日不足

賦也聞人氏名茲
曰戩與剪同畫也穀善也畫善
云者猶其曰單厚多益也罄盡遐遠也爾有以受
天之祿矣而又降爾以福言天人之際交相與也
書所謂昭受上帝天其申命用休語意正如此

源慶

輔氏曰此章又言天使我君無不盡善云為動作
無不其適而亦既受天之維日百祿矣而天之所以受
命百祿者已然之福也且維日百祿矣而天之所以受
天之百祿者已然之福也且維日百祿矣而天之所以受
來之百祿者已然之福也且維日百祿矣而天之所以受
能日百祿者已然之福也且維日百祿矣而天之所以受
維日百祿者已然之福也且維日百祿矣而天之所以受
所謂日百祿者已然之福也且維日百祿矣而天之所以受
民宜昭受命之意相類且與此固與大禹贊舜
蓋此詩於受命之意相類且與此固與大禹贊舜
之日以答見於宴享之際以答前詩加樂歌於繹祭
祝願人君之辭也

○天保定爾以莫不興如山如阜如岡如
陵如川之方至以莫不增

賦也興盛也高平曰陸大陸曰阜大阜曰陵皆高
大之意董氏曰爾雅云山脊曰岡大阜曰陵川之

方至言其盛長之未可量也廬陵歐陽氏曰此
阜岡陵之高如川流之浸長而益增之○廬陵
矣則欲積累至于崇高故曰以莫不興也○廬陵
增言其興也既興矣欲增益而不絕故曰以莫不
言其增也綱古亥友轄尺志友

○言蠲為饗是用孝享禴祠烝嘗于公先

王君曰卜爾萬壽無疆

賦也吉言諏日擇士之善蠲言齊戒滌濯之潔成
劉氏曰諏日者君臣諏謀祭日於旬有一日之先
至次日乃卜所諏之日吉否如少牢饋食大夫先
與有司諏丁巳之日至明日乃筮其日之吉凶也
齊士者大射於射宮以選與祭之土齊戒謂七日
齊三日戒之類滌濯謂澀濯祭器掃除宗廟之類

饗儀禮有饗燹注酒食也享獻也宗廟之祭春曰
祠夏曰禴秋曰嘗冬曰烝孔氏曰自殷以上則禴
夏禘以春禴當之更名春日禘烝嘗新穀烝進品物
言食禴禴新菜可禴嘗嘗新穀烝進品物○須溪劉
氏曰禴禴祠烝嘗各公先公也謂后稷以下至公叔
祖類也先王太王以下也鄭氏曰謂后稷以下至公叔
祖類也先王太王以下也○更說曰公叔
作太祖類生古公重父索隱云古公重父之說
先追王之禮武王以下太王之業肇於太王季文
禮宋子曰然周禮此乃先王以業肇於太王季文
驚冕諸侯之服此禮耳是君通謂先公先王也卜猶
天子祭先公之禮此禮耳是君通謂先公先王也卜猶
期也此尸傳神意以嘏主人之詞羅氏曰祝為尸
致福於主人之詞孔氏曰少牢禮云皇尸命工
祝承致多福無疆于女孝孫之等是傳神辭嘏主

入也○廬陵羅氏曰此章又言非惟天之福我君
如此至○廬陵羅氏曰此章又言非惟天之福我君
降之福○廬陵羅氏曰此章又言非惟天之福我君
福謂能誠意以奉其時祭則神之愛君原其祭而
窮矣蓋受福本於祭意天保之詩皆祝君之福而
曰調又可見其誠意天保之詩皆祝君之福而此
章原其因祭文王時周未有曰先王者此必武王
而受福也安成劉氏曰此詩所以答前五篇然
以後所作也則前五詩亦作於武王以後明矣
○神之弔矣詒爾多福民之質矣日用飲
食群黎百姓徧為爾德黎音離
賦也弔至也神之至矣猶言祖考來格也詒遺質
實也言其質實無偽日用飲食而已廬川王氏曰
民無所施其

也百姓庶民也為爾德者則而象之猶助爾而為
也百也。盧陵彭氏曰：神詔之多，福民及百姓，皆被及
德也。蓋上用飲食則豐，富充足，徧為爾德，則孝弟
民信言，蓋上有多福，則君則下受多福。安人安百姓，皆
之意也。○華陽范氏曰：君之所為，正脩己安人，安百姓，皆
君德也。此君人者，之至願也。○華谷氏曰：百姓皆為
之福，則此君人者，之至願也。○華谷氏曰：百姓皆為
和而凡詩，則全篇皆容悅之辭。豈古者君臣相與，若此
得而曰：德徧為爾德者，兼德之言也。○又曰：全其德，天
皆君之德，用飲食則莫匪爾極也。○又曰：全其德，天
質矣。日用飲食，則莫匪爾極也。○又曰：全其德，天
無偽君之用，德存神則言在化民，皆由之而不知其
皇極之中，所謂凡所為者，蓋莫非動靜之德也。○又曰：全其
所謂則而象之先王，所謂猶助爾為德之意，鄭氏五

其中矣。○安成劉氏曰：此承上章祭祀而言，神之
降福，推至於民之質實，百姓之為德，莫非君之福
也。亦莫非君之德也。所謂德者，其一篇之本領，與

○如月之恒，如日之升，如南山之壽，不騫
不崩，如松柏之茂，無不爾或承。

賦也。恒，弦升出也。月上弦而就盈。○孔氏曰：八日九
半昏而中，似弓之張，而弦直，謂之上弦。日始出而
也。此取漸進之義，故云。上弦不言望，望日始出而
就明，騫，虧也。承，繼也。言舊葉將落而新葉已生，相
繼而長茂也。○問：承是繼，承是相，不凋之義，如何。采
葉已生，○盧陵歐陽氏曰：前既欲其興盛，此又欲
其求久，故多引長久不壞之物，以為况。○盧田曰：呂
氏曰：上言神享之矣，民助之矣，福祿無以加矣。又
欲常享是福，有進而無退，有成而無虧，相承而無

衰故以日月南山松栢喻焉慶源輔氏曰此章則又言其進盛悠久相繼無窮之意而已

天保六章章六句廬陵歐陽氏曰六章皆下愛

大抵文意重復以見其愛上深至如此耳明

厚蒙被臣保詩盛陳人君受天之福祿之

曰蒙被臣保詩盛陳人君受天之福祿之

以祭而不殺者以其愛君之心無已也四章則

為言蓋謂人君先公為言五章則以徧考為爾德

愧於斯民然後福祿愈遠而愈彰於祖考末章終

壽豈亦無不此意蓋人君必有此德而後可以

稱是福也○豐城朱氏曰是詩前三章言天

之福吾君後三章言神之福吾君故三章以

山阜岡陵喻其福之興盛以川之意六章以日

月松栢喻其福之方進而下之意六章以日

福之有常而不變所以終而巳以南山之喻其

是時君以伐木燕鳴四牡皇草燕群臣以常棣

兄弟以伐木燕鳴四牡皇草燕群臣以常棣

業成而均享成盛大悠久之福也

如此君燕其臣臣媚其君此所以上下交德

業成而均享成盛大悠久之福也

如此君燕其臣臣媚其君此所以上下交德

業成而均享成盛大悠久之福也

如此君燕其臣臣媚其君此所以上下交德

業成而均享成盛大悠久之福也

如此君燕其臣臣媚其君此所以上下交德

業成而均享成盛大悠久之福也

如此君燕其臣臣媚其君此所以上下交德

業成而均享成盛大悠久之福也

如此君燕其臣臣媚其君此所以上下交德

采薇采薇薇亦作止曰歸曰歸歲亦莫止

靡室靡家玁狁之故不遑啟居玁狁之故

興也薇菜名作生出地也謂芽初出上莫晚靡無

也玁狁北狄也遑暇啟跪也○此遣戍役之詩廬

彭氏曰上言遣戍役而不及將帥何也四郊多壘

卿大夫之辱也士大夫以體國為心固有不待勉

者至於小民之愚或以為上之若我固不可無辭

之意以其出戍之時采薇以食而念歸期之遠也

故為其自言而以采薇起興曰采薇采薇則薇亦

故為其自言而以采薇起興曰采薇采薇則薇亦

故為其自言而以采薇起興曰采薇采薇則薇亦

故為其自言而以采薇起興曰采薇采薇則薇亦

作止矣曰歸曰歸則歲亦莫止矣平谷嚴氏曰歸
之辭亦因示歸然凡此所以使我舍其室家而不
暇啟居者非上之人故為是以苦我也直以微仇
侵凌之故有所不得已而然耳蓋叙其勤苦悲傷
之情而又風以義也慶源輔氏曰薇之作是始出
也此章言其將行之情故云靡室靡家不遑啟居
知其為嚴化之故則上之遣我者出於不得已而
我之義亦有所不容已也此所謂風之歸靡室靡
成劉氏曰不遑啟居則勤苦矣曰歸曰歸靡室靡
家則悲傷矣此所以叙其私情也一則曰微仇之
故二則曰微仇之故又因風以公義也一詩之中
唯所以私情公義及覆為
言所以感人者深矣
人懷敵愾也左氏傳云敵王所愾
曰此言萬世用兵之定又曰古者戍役兩暮而還
法順之則吉悖之則凶

今年春莫行明年夏代者至復留備秋至過十
月而歸又明年中音仲春至春莫遣次戍者每秋
冬初兩番戍者皆在疆圉如今之防秋也東陽許
秋宋遣戍之名○運安熊氏曰比秋畏暑耐寒又
秋氣拆膠則弓弩可用故秋冬易為侵暴每留屯
以防

○采薇采薇薇亦柔止曰歸曰歸心亦憂

渴叶巨烈反

止憂心烈烈載饑載渴戍未定靡使歸

聘興也柔始生而弱也三山李氏曰始遣戍時薇始

壯而剛以見烈烈憂貌載則也定止聘問也○言
天時之變爾烈烈憂貌載則也定止聘問也○言
戍人念歸期之遠而憂勞之甚歸期之遠而外為
飢渴之所困然戍事未已則無人可使歸而問其
亦甚病矣然戍事未已則無人可使歸而問其
室家之安否也慶源輔氏曰此章言其在踞之情
道路時飢渴固有所不免故率章言其歸踞之情
亦曰載飢渴固有所不免故率章言其歸踞之情
至成所則固無人可使歸問其室家之訊也成者
勤若則有不得其家音信之憂三則有載飢渴之
悲二則有不得其家音信之憂三則有載飢渴之
道此四事以慰之○安成劉氏曰此詩於首兩章備
憂戍飢復載渴其私情亦甚苦矣然我戍未定而
靡使歸聘則公義以為重也

○采芣采芣芣亦剛止曰歸曰歸歲亦湯

監音右

止主事靡盬不遑啟處憂心孔疚我行不
來

興也剛既成而剛也陽十月也時純陰用事嫌於
無陽故名之曰陽月也程子曰疑於無陽故謂陽
之類蓋陰陽之氣有常而不移者有消長而無射
者○問十月何以陽為而不移者有消長而無射
一陽生也復之一陽為而不移者有消長而無射
來如一月三十一日以復之一陽為而不移者有消
雪後無一月三十一日以復之一陽為而不移者有
天地無一月三十一日以復之一陽為而不移者有
惡陰也四月秀萋靡草死豈孔甚疚病也來歸也
無陰乎明陰陽常兼有也長樂劉氏曰言將
此見士之竭力致死無還心也歸期雖歲之陽王
國而不敢顧其親也○程子曰歸期雖歲之陽王
事不可盪也故啓處不遑憂心雖甚病我行不可

歸也○慶源輔氏曰憂心孔疚切於仁也我行不
來安於義也情與理並行不相悖也○安成劉氏
曰此章後四句既風以義而叙其情又叙其情而
義以風也

華芳無胡瓜二反

○彼爾維何維常之華彼路斯何君子之

車斤於尺奢二反

車戎車既駕四牡業業豈敢定居一月三

捷

興也爾華盛貌也○常常棣也路戎車也君子謂

將帥也孔氏曰乘路車而稱君子故謂將帥得

是卿車得稱路也業業壯也捷勝也○彼爾然而盛者當

棣之華也彼路車者君子之車也戎車既駕而四

牡盛矣則何敢以定居乎庶乎一月之間三戰而

三捷矣程子曰四章五章皆勸以義也○慶源輔

風之者深矣夫所謂風之者亦非是當大人初無
此意而上之聖人能通其志耳止之人能通其志如
是本情但聖人亦皆以是則下之心為心可知矣

駢求龜

○駕彼四牡四牡騤騤君子所依小人所

駢符非反

弭弥氏反服叶蒲比反

戒叶訖力反

腓四牡翼翼象弭魚服豈不日戒玁狁孔

棘

賦也駢駢強也依猶乘也腓猶莛也程子曰腓隨
動也如足之腓足動則隨而動也問傳曰腓猶莛
傳曰隨動也如足之腓足動則隨而動也又引程子曰
也腓易本義亦曰行則先動足乃動而動也其按易咸
則而動明矣詩不當引之物由後二動之觀之則腓為先
之得也動生民詩牛羊腓字之解此詩以義不若施
於此大義所係今詳而說誠不亦相類也程子曰
此非大義所係今詳而說誠不亦相類也程子曰
具腓又有他訓說中破此字竟是何義翼翼行列整
治之狀象珥以象骨飾弓弣也也華谷氏曰左傳云
左執鞭弭曲禮云右手執籥籥頭也也華谷氏曰
處以象齒飾之則弦之上下不至齟齬也受弦魚獸
名似猪東海有之其皮背上斑文腹下純青可為
弓鞬居言反也矢服也戒警棘急也○言戎車者將

帥之所依乘戎後之所託倚長樂劉氏曰君子則
人則腓之以為進退也○華谷氏曰遺將且其
率戎後同歌是詩故以君子小人兼言之
行列整治而器械精好如此弣服是也豈不日
相警戒乎儼狝之難甚急誠不可以忘備也陳嘉
豫作歌詩以道遠其誠心此所以上章皆託為軍士
言車馬器以成盛備而於章末專以公義為言所
以美之依乘風之也○慶源輔氏曰戎車既為君
治器所依之精好又為小人之所倚而與行戒乎
君子所依之精好又為小人之所倚而與行戒乎
不日戒儼狝之可防也又見其備豫不虞不以我之
強盛而忽彼之可防也又見其備豫不虞不以我之

○昔我往矣楊柳依依今我來思雨雪霏霏

雨于付反

罪行道遲遲載渴載饑我心悲傷莫知我

哀

哀吁于希反

賦也楊柳蒲柳也罪罪雪甚貌遲遲長遠也○此章又設為役人預自道其歸時之事以見其勤勞之甚也華谷茂氏曰楊柳依依即首章采薇之時而寧以安其心也程子曰春而往冬而還行遠而時久言行道遲遲則見歸思之切者也慶源輔氏曰昔我往矣楊柳依依則始出之時也二月也今我來思雨雪霏霏則來年得歸之時也三月也路之長遠身之飢渴是亦勞苦之甚而傷悲之極也莫知我哀此句尤切夫上之人既已述其情如此則其知之可謂盡矣而猶曰莫知我哀可見其體悉之心無有窮極也且於其遣戍之初而遽言

及此則亦不憂上程子曰此皆極道其勞苦憂傷之情也上能察其情則雖勞而不怨雖憂而能勵矣新安胡氏曰王氏云人情所患莫切於行役之勞飢渴之害皆中心傷悲而莫有知其哀者則於人不知其所而無所告訴今歌詩遣之述其勤苦則人忘其死也○三山李氏曰遣之而謂莫知其情故則知之者深矣○安成劉氏曰此章預道其往哀則苦憂傷之甚矣又范氏曰予於采薇見先王以人道使人後世則牛羊而已矣

采薇六章章八句問首章言征夫之出蓋以不違寧處二章則既出而不能捨其室家而章五章則力致死而無還心蓋不復念家矣四卒章則言事成於後極陳其勞苦憂傷之功也也其序恐如此宋子曰雅者正也乃王公大人人所作皆有次序而文意不苟極可玩味風

則成於婦人女子之口故但可見其大略耳
○登山謝氏曰采薇一詩見先王仁厚之至
所謂體群臣所謂本人情所謂說以使民民
忘其勞當以東山詩合觀

牧叶莫狄反

來叶六直反

我出我車于彼牧矣自天子所謂我來矣

載叶節力反

難乃旦反

召彼僕夫謂之載矣王事多難維其棘矣

賦也牧郊外也註邑國都也界各十里而異其名
自從也天子周王也僕夫御夫也○此勞還率帥
之詩追言其始受命出征之時出車於郊外而語
其人曰我受命於天子之所而來於是乎召僕夫
使之載其車以行而戒之曰王事多難是行也不

可以緩矣廬陵歐陽氏曰前仲為將始駕戎車出
遂戒其僕夫以趨王事之急難○登山謝氏曰此
章有尊敬王命之禮有憂勤王事之意有整暇勇
決之才有奔走犯難之忠○慶源輔氏曰一章述
其前時之忠敬以慰勞之也○慶源輔氏曰前四
句則所以承乎上者嚴且重矣後四句則所以飭
乎下者厲且敏矣

郊叶音高

旄音毛

○我出我車于彼郊矣設此旄矣建彼旄

旄叶蒲寐反

矣彼旃旒斯胡不旆旆憂心悄悄僕夫况

瘳

瘳似醉反

賦也郊在牧內安成劉氏曰都城外五十里為遠郊也蓋前軍

已至牧而後軍猶在郊也立氏曰將言建旄設旄
設陳也龜蛇曰旄建立也旄注旄於旗干之首也
鳥隼曰旟鳥隼龜蛇曲禮所謂前朱雀而後玄武
也周禮圖注曰考工記云鳥隼旒游以象鸛火畫
也朱雀與隼以考工記云鳥隼旒游以象鸛火畫
但謂鳥而朱者然天文家朱鳥乃取彖於鸛如鸛
首鸛尾鸛火是也朱子曰玄武謂龜蛇也位在
北方故曰玄武楊氏曰師行之法四方之星各隨
有鱗甲故曰武禮記曲禮曰前朱雀而後玄
其方以為左右前後禮記曲禮曰前朱雀而後玄
以此四獸為進退有度各司其局鄭氏曰度謂伐
軍陣象天也進退有度各司其局鄭氏曰度謂伐
也則士無失伍離次矣旆旆飛揚之貌悄悄憂貌
况茲也或云當作况况上言出車在郊建設旗
幟音彼旗幟者豈不旆旆而飛揚乎但將帥方以

任大責重為憂而僕夫亦為之恐懼而憔悴耳朱
曰朝不備言還不言豈不旆旆乎但我自憂心
悄悄而僕夫又况瘁耳○變源輔氏曰兵陰事也必
如此然後與陰氣合而嚴重方整為謀必深圖功
必成不然輕佻率易始同見戡耳安能有所為哉
東萊呂氏曰古人出師以喪禮處之命下之日士
皆泣涕夫子之言行三軍亦曰臨事而懼此意
也○疊山謝氏曰子行三軍必也臨事而懼此意
也戰危事不可易心慮之為將帥者憂心則情
情為僕夫者情况則慮皆臨事而懼善於用兵
也○范齋黃氏曰臨事而懼則有持重謹畏之
心此誠行軍法也○薛谷氏曰二章述其前時
之戒懼以勞慰之也

○王命南仲往城于方出車彭彭旂旐央
央天子命我城彼朔方赫赫南仲玁狁于

襄

襄音相

賦也。王周王也。南仲，此時大將也。方朔，方今靈夏等州之地。毛氏曰：近畿。彭彭，衆甚貌。交龍，爲旂。此所謂左青龍也。央央，鮮明也。赫赫，威名光顯也。襄除也。或曰：上也。與懷山襄陵之襄同。九峯蔡氏曰：也言勝之也。東萊呂氏曰：大將傳天子之命，以令軍衆。於是車馬衆盛，旂旄鮮明，威靈氣焰赫然，動人矣。兵事以哀敬爲本，而所尚則威。二章之戒，懼三章之奮揚，並行而不相悖也。慶源輔氏曰：言命以令軍衆，衆方知其所以出師之意，在於城。相方以拒，綴統矣。理直義明，故車馬爲之壯盛。

爲之鮮明而大將南仲之威名亦隨之顯赫。雖臨乎朔方而逆知，綴統之難於此，而可除矣。有前章謂靜翁而動，闢自然之理也。程子曰：城朔方而綴統之難，除禦戎狄之道，守備爲本，不以攻戰爲先也。程子曰：此章指元帥之名，以顯其城朔方之功也。要成劉氏曰：此上三章皆本於公義以勞之也。

華叶芳無反

樂于付反

昔我往矣，黍稷方華。今我來思，雨雪載塗。王事多難，不遑啟居。豈不懷歸，畏此簡書。

賦也。華盛也。塗，凍釋而泥塗也。孔氏曰：雪落簡書而釋爲泥塗。

戒命也隣國有急則以簡書相戒命也或曰簡書

策命臨遣之詞也問二說采子曰後說為長當以

同志相恤之謂然此天子之所戒命不得謂之隣

國也孔氏曰古者無紙若有事則書之於簡故

謂之簡書○此言其既歸在塗而本其往時所見與今

還時所遭以見其出之久也東萊呂氏曰采薇之

所謂往遣戍時也此詩之所謂往在道時也采薇

之所謂來戍畢時也此詩之所謂來歸而在道時

也新安胡氏曰玉氏云黍稷方華季夏時也雨雪

多難故下章序伐西戎之功○長樂劉氏曰王事

多難言緩稅惟康而西戎又入也自北而西不遑

啓處也○慶源補注曰此章述其往來時久故處

不遑之情且曰常也時非不思歸也畏此簡書而

不敢耳此尤可見其體悉之詳也○華谷氏曰

此章述南仲北伐還師又承命西伐之事也○慶

成劉氏曰此章後四句反覆言入公義私情以勞之也

要於遙反離他亦一反

○嘒嘒草蟲趯趯阜螽未見君子憂心忡

忡既見君子我心則降赫赫南仲薄伐西

戎仲較反

賦也此言將帥之出征也其室家感時物之變而

念之以為未見而憂之如此必既見而後心可降

耳然此南仲今何在平方往伐西戎而未歸也豈

既却撥稅而還師以伐昆夷也與薄之為言聊也

蓋不勞餘力矣慶源補注曰是詩凡言我者皆設

為將帥之言惟我心則降一句則

又是設為將帥室家之言。雖室家之人皆以為。薄
伐西戎不勞餘力則王者之師有征而無戰可知
也。○安成劉氏曰此承上章述南仲北伐既還又
伐西戎之功久出而未得歸以見室家此又述其
室家之情以勞之也。

卉許貴反 姜七西反 皆音皆叶若奚反

○春日遲遲卉木萋萋倉庚喈喈采芣芣

祀臣移反訊音信

還音旋

初執訊獲醜薄言還歸赫赫南仲玁狁于

夷

賦也卉草也萋萋盛貌倉庚黃鸝也喈喈聲之和
也訊其魁首當訊問者也醜徒衆也夷平也。○歐
陽氏曰述其歸時春日暄妍草木榮茂而禽鳥和

鳴於此之時執訊獲醜而歸豈不樂哉。鄭氏曰此

時亦伐西戎獨言平玁狁者玁狁大故以為始以

為終。○華谷張氏曰獨言玁狁者舉出師所以主也。○

難也此章述其凱還而以平玁狁為言所以美其
事之終而功之大此則述其歸日之歡情以勞之
也。

出車六章章八句。○程子曰此詩所賦自受命至

將帥。○慶源輔氏曰行師之道始出尚嚴肅

既歸則尚和樂故出則有誓而歸曰凱旋凱

樂也讀此詩前三章則如秋霜之肅後三章

則如春風之和如此然後謂之王者之師且

尸操血之事也。○阮華板反

有扶之杜有耽其實王事靡盬繼嗣我日

扶大計反

阮華板反

月陽止女心傷止征夫遑止

賦也。晚實貌。嗣續也。陽十月也。遑暇也。○此勞還後之詩。故追述其未還之時。室家感於時物之變而思之。曰特生之杜。有晚其實則秋冬之交矣。而征夫以王事出。乃以日繼日而無休息之期。至于十月。可以歸而猶不至。故女心悲傷。而曰征夫亦可以暇矣。曷為而不歸哉。○慶源輔氏曰。日月陽止也。述其室家之情。不直言其思之。而必曰王事靡盬。焉則雖其室家亦知義也。○安成劉氏曰。次年十月。乃戌畢之時。故采薇造戌之際。預言歲亦陽止。以爲歸期。此章之思。望征夫者。或曰興也。董子亦以日月陽止。而知其遑暇也。○其所以感下章。放此二章而言也。

○有杜之杜其葉萋萋王事靡盬我心傷

悲卉木萋萋止女心悲止征夫歸止

賦也。萋萋盛貌。春將莫之時也。歸止可以歸也。○呂氏曰。歲暮期既不至。將至春之暮。猶未歸也。○安成劉氏曰。成者之還。當以仲春至家。故此章於杜之葉。萋萋之時。而不知征夫之可以歸也。○慶源輔氏曰。王事靡盬者。公義也。戌心傷悲者。私情也。雖其室家亦情義並行。而不相悖也。

○陟彼北山言采其杞王事靡盬憂我父

母檀車憚憚四牡瘡瘡征夫不遠

母叶滿有反

憚大善反

瘡古緩反叶古轉反

盬立百古

賦也檀木堅宜為車。輶輶敝貌。瘡瘡罷皮貌。○登山采杞則春已暮而杞可食矣。蓋託以望其君子而念其以王事貽父母之憂也。慶源輔氏曰雖託其君子然又念其以王事貽父母之憂也。○三山呂氏曰此言王事靡盬不能藝稷黍憂我父母何怙然鵲羽下之人自訴其勞苦此下之人勞苦而然檀車之堅而敝矣。四牡之壯而罷矣。則征夫之歸亦不遠矣。華陽范氏曰車輶馬瘡瘡曰杞可采食而征夫猶未至則春已暮而愈過期矣。故知其行必不遠矣。

匪載匪來憂心孔疚期逝不至而多為

借叶舉里反

近叶渠紀反

來叶之直反

疚叶訖力反

至叶朱力反

恤卜筮偕止會言近止征夫邇止

賦也載裝疾病逝往恤憂偕俱會合也。○言征夫不裝載而來歸固已使我念之而甚病矣。况歸期已過而猶不至則使我多為憂恤宜如何哉。毛氏曰行不必如期室家之情以期望之。○新安胡氏曰王氏云而多為恤飢渴歟疾病故且卜且筮。○廬陵曰歟死傷歟是何期逝而不至也。故且卜且筮。○廬陵曰曰均龜曰卜揲著曰筮相襲俱作合言於繇反。○又揲實葉反著升脂反。○廬陵曰著龜曰而皆曰近矣。則征夫其亦邇而將至矣。○慶源輔氏曰征夫不遠想料之辭也。○征夫邇不至然後憂傷孔熾焉。○行而思愈切者人情也。○期而不至則居者之憂百端矣。○范氏曰以卜筮終之言思之切而無所不為也。

杖杜四章章七句

安成劉氏曰前三章皆述其室家私情而兼公義為言卒章則又專勞之私情義以慰之也

鄭氏曰遣將帥及戍役同歌同時欲其同心

也反而勞之異歌異日殊尊卑也記曰賜君

子小人不同日此其義也王氏曰出而用兵

則均服同食一衆心也入而振旅則殊尊卑

辨貴賤定衆志也范氏曰出車勞率故美其

功杖杜勞衆故極其情先王以已之心為人

之心故能曲盡其情使民忘其死以忠於上

也三山呂氏曰其遣也則預述其懷歸之事

勞師役之事雖不同而叙其往反終始之情

則一也新安胡氏曰王氏云土之人能知

其下忠心事也曲之情而形於歌詠則下悅之

出車杖杜是也悲傷之情則怨也揚之水鴉羽

其勞苦之狀慶源輔氏曰鄭王范氏所發之意皆

是也人言論功勞師役之事者何哉蓋古者

得而略不及勤王之賞者臣之義也君臣

竭誠盡瘁以勤王之事者何哉蓋古者

各行其事而已此君臣相與之望乎上不以

賞而誇乎下安成劉氏曰集傳鄭氏也豈後世

所能及哉此君臣相與之望乎上不以

說總論采薇出車杖杜也范氏曰是詩四章皆

述其未至之思而不言其已至之喜蓋未歸

之時其思念之思而不言其已至之喜蓋未歸

之深有不言之勞所以悅先王之於成後叙

其情而閔其勞所以悅先王之於成後叙

死其謂乎

南咳

此笙詩也有聲無詞舊在魚麗之後以儀禮

考之其篇次當在此

慶源輔氏曰已下三篇不綴於皇皇者華之後

而附於此者欲以今正之說見華黍

鹿鳴之什十篇一篇無辭凡四十六章二百

九十七句

白華之什二之二

毛公以南陔以下三篇無辭故升魚麗以足

鹿鳴什數而附笙詩三篇於其後因以南有

嘉魚為次什之首今悉依儀禮正之

白華

笙詩也說見上下篇

華黍

亦笙詩也鄉飲酒禮鼓瑟而歌鹿鳴四牡皇

皇者華然後笙入堂下磬南北面立樂南陔

白華華黍燕禮亦鼓瑟而歌鹿鳴四牡皇皇

然後笙入立于縣中

廬陵李氏曰諸侯軒縣縣中者此縣之南也

然後笙入立于縣中縣中者此縣之南也奏南陔白華華黍南陔以下

今無以考其名篇之義然曰笙曰樂曰奏而

不言歌則有聲而無詞明矣

董氏曰笙入者有聲而無詩也

蓋詩有歌有聲見於詩者歌也寓於樂者聲也

也以其用於於人邦國故當時人習其義是

以因其事而識其聲知國故也然則其義是

者乃本亡之非失亡也○頌溪劉氏曰惟詩

之入歌者今皆在入笙者獨不存疑南陔六

詩當時元只有聲如今之琴譜本無其詞也

補甚笑束哲所以知其篇第在此者意古經

亡之無謂所以知其篇第在此者意古經

篇題之下必有譜焉如投壺魯鼓薛鼓之節而亡之耳安成劉氏曰魯鼓薛鼓之節其譜見禮記投壺篇末蓋魯薛二國投壺燕射擊鼓之節也其圓者擊鞀其方者擊鼓其節不同亦皆有聲而無詞也

麗力馳反鬪音柳與酒叶醋音常漁音沙叶蘇何反

魚麗于罍鱠魚君子有酒且多

興也麗歷也罍以曲薄為筍而承梁之空孔音者也鱣揚也今黃頰魚是也似燕頭魚身形厚而長大頰骨正黃魚之大而有力解飛者埤雅曰今黃鱣飛躍故名曰揚也燕頭魚魚也性浮而善身頰骨正黃一名黃揚魚漢氏曰鱣魚多種有極大者口吹沙故名吹沙魚漢氏曰鱣魚多種有極大者吹沙小魚耳故又名吹沙其皮如沙今人以為刀劍鞘大而指狹圓而長有黑點君子指主人旨且多旨

而又多也○此燕饗通用之樂歌即燕饗所薦之

羞而極道其美且多見主人禮意之勤以優賓也

漢氏曰言酒則般隨之言物則所該者廣○安成劉氏曰此詩後三章所指物之多矣旨矣有矣即前道主人所薦之物多且旨且有者也乃樂工或曰賦也下二章放此采子曰古以見優賓之意故曰成劉氏曰若作賦體則詩中所言魚亦是當時所薦之羞也

鱣音禮

魚麗于罍鱣魚君子有酒多且旨

興也鱣魚二音重也又曰鮪音也新安胡氏曰嚴氏今本草云今黑鮪魚道家以為厭者也○埤雅曰則玄鱣也諸魚中唯此魚膽其可食其首戴星夜鱣鯉故其序如此

魚麗于宮，鯉音偃君子有酒，且有

興也。鯉，鮎也。念平也。本草注曰：鮎，首方口，背青黑，無鱗，多涎，即鮎魚也。鯉音題。○鯉，谷巖氏曰：毛以鮎釋鯉。郭僕云：各自一魚。鯉，今偃額白魚也。只當言似鮎耳。○埤雅曰：鮎魚黃魴魚，青鱧魚，玄鯉魚，白鯉魚，有猶多也。赤則五色之魚皆備。

物其多矣，維其嘉矣。

賦也

借叶舉里反

物其旨矣，維其偕矣。

賦也

物其有矣，維其時矣。

有叶羽已反

時叶上紙反

賦也。蘇氏曰：多則患其不嘉，旨則患其不齊，有則患其不時，今多而能嘉，旨而能齊，有而能時，言曲全也。慶源輔氏曰：後三章乃重歎前二章多旨，有前二章之辭，前三章多旨，有皆以酒言之，後三章衍辭，皆曰物以見物之與酒稱也。

魚麗六章三章章四句三章章二句

按儀禮鄉飲酒及燕禮前樂既畢皆間歌魚麗，笙由庚，歌南有嘉魚，笙崇丘，歌南山有臺，笙由儀，間代也。言一歌一吹也。然則此六者蓋一時之詩而皆為燕饗賓客上下通用之。

樂采氏曰魚麗諸篇皆君臣燕飲之詩道主
人意以譽賓如今燕飲致語之類亦有間
叙賓客辭者漢書載客歌麗
酌主人歌客無庸歸亦此意
毛公分魚麗以
足前什而說者不察遂分魚麗以上為文武
詩嘉魚以下為成王詩其失甚矣

由庚

此亦笙詩說見魚麗

燕之序反 單張教竹卓二音

南有嘉魚烝然罩罩君子有酒嘉賓式燕

樂亦五教歷各二反

以樂

興也南謂江漢之間嘉魚鯉質鱒才損鯽肌出於

沔南之丙穴

山陰陸氏曰嘉魚鯉質鱒肌肉美食

南縣北穴口向

烝然發語聲也罩籥

助角也羅氏

丙故曰丙也

則爾雅疏今楚籥也

言罩罩非一之詞也

楚籥編細竹以罩魚者也重

辭曰南有嘉魚則必烝然而罩罩之矣君子有酒

則必與嘉賓共之而式燕以樂矣此亦因所薦之

物而道達主人樂賓之意也安成劉氏曰詩言燕

故知為道達主人樂賓之意也樂無緩既燕而又燕

○南有嘉魚烝然汕汕君子有酒嘉賓式

燕以衍

衍苦且反

興也汕櫟宗雅作巢並則交反也鄭氏曰櫟今以薄汕魚也之撩器也撩

療源勞行樂也二音

○南有樛木甘瓠累之君子有酒嘉賓式

綏衣稀反

燕綏之

興也。東萊呂氏曰瓠有甘有苦其瓠則可食者也。樛木下垂而美實累之固結而不可解也。愚謂此興之取義者似比而實興也。

鰓之誰反 來叶六直反

○翩翩者騅烝然來思君子有酒嘉賓式

或如字

燕烝思

興也。此興之全不取義者也。慶源輔氏曰詩中興於此發之也。思語辭也。又既燕而又燕以見其至誠有加而無已也。孔氏曰思皆為語辭嘉賓既來燕言親或曰又思言其又思念而不忘也。朱子曰之甚也。思語辭又思既燕而又思之燕又燕也。與之無已也。凡思字為語助者上可協韻為思慮之思者本字協韻此章則來字與末句思字協韻也。

南有嘉魚四章章四句

說見魚麗

崇丘

說見魚麗

堂叶田節反

萊叶陵之反樂音日洛只音紙

南山有臺北山有萊樂只君子邦家之基

樂只君子萬壽無期

興也臺夫扶音須即莎草也本草曰其實萊草名葉

香可食者也陸氏曰萊南人蒸之萊蒸君子指賓客也

此亦燕饗通用之樂故其辭曰南山則有臺矣北

山則有萊矣樂只君子則邦家之基矣樂只君子

則萬壽無疆矣所以道達主人尊賓之意美其德

而祝其壽也安成劉氏曰詩中所謂德音所謂民

德也所謂壽考者皆所以祝其壽也通前魚麗嘉

魚兩篇皆一時樂工所歌彼為優賓樂賓則此詩所以美之祝之者為尊賓也或疑賓客不足以當萬壽之語愚謂此詩上下通用之樂當時賓客亦有爵齒俱尊足當之者蓋古人簡質如士冠祝辭亦云眉壽萬年無疆又祝之者蓋古人簡質如士冠祝辭期眉壽萬年無疆其眉壽萬年無疆之類皆為自祝之辭則此詩以萬壽祝賓容何傷乎

○南山有桑北山有楊樂只君子邦家之

光樂只君子萬壽無疆

興也慶源輔氏曰首章邦家之基美其可以為邦幹也次章言邦家之光美其可以為邦家之顯榮所謂儒者在朝則美政在位則美俗也既足以為邦家之基本與顯榮故因祝其壽之無期限而無疆界者也○安成劉氏曰此章蓋亦美其德而祝其壽也

○南山有杞北山有李樂只君子民之父
母樂只君子德音不已

興也杞樹如樗一名狗骨陸氏曰杞山木而滑其子為木蠹入藥○安成劉氏曰此章則專美其德也

○南山有栲北山有杻樂只君子遐不眉

栲音考杻音九反

壽樂只君子德音是茂

興也栲山樗杻音也遐何通眉壽秀眉也劉氏曰醫書以眉毛過垂眼下者為壽長古人稱高壽者曰眉壽其於此章又以祝其壽而美其德也

○南山有枸北山有棟樂只君子遐不黃

枸俱甫反

棟音庚

考樂只君子保艾爾後

考音苟叶果五反

艾五蓋反後叶下五反

興也枸棟枸樹高大似白楊有子著枝端大如指長數寸噉音之其美如飴八月熟亦名木蜜本草曰木蜜生南方枝葉皆可噉亦可煎食如飴其子一名枳枸味如蜜以木作壘上中酒則味薄拒音矩○問枸朱子曰枳枸子建陽謂之背洪子俗謂之賴漢指頭吾鄉呼為蕪窈味甘而解酒毒人家左右前後有此棟鼠梓樹葉木理如揪亦名木則醞酒不式矣
苦揪黃老人髮復黃也考老人面凍梨色如浮垢也孔氏曰髮白而復黃面如陳梨之色保安艾養也安成劉氏曰此章又專祝其壽也

南山有臺五章章六句

慶源輔氏曰後二章言首章次章末句相應萬壽無期萬壽無疆者願之辭也遐不眉壽遐不作黃者必之之辭也德音是茂言不但已而巳而計而益茂盛也保艾於爾後則不但為今日計而願其安養其後世之子孫也人君得賢則基圖鞏固故曰邦家之基有光華故曰邦家之光爰利及民故曰民之父母燕及後世故曰保文爾後

說見魚麗

由儀

說見魚麗

蓼彼蕭斯零露漙漙既見君子我心寫兮
燕笑語兮是以有譽處兮

興也蓼長大貌蕭蒿也

華谷嚴氏曰蕭香蒿漙漙也

然蕭上露貌君子指諸侯也

寫輸寫也燕謂燕飲

譽善聲也處安樂也

蘇氏曰譽豫通凡詩之譽皆言樂也亦通

言樂也亦通○諸侯朝于天子天子與之燕以示

慈惠

安成劉氏曰左傳晉卻至曰宴以示慈惠蓋謂升殿于組相與共食所以示慈愛恩惠也

故歌此詩言蓼彼蕭斯則零露漙漙矣既見君子

則我心輸寫而無留恨矣是以燕笑語而有譽處

也其曰既見蓋於其初燕而敬之也

慶源輔氏曰

子天子見之而得以輸寫其心而無所留恨相與燕飲語笑和悅則上下皆可以保有其聲譽與和樂也苟上之於下也自有所疑而不敢盡其情下之於上也苟有所畏而不收申其意則是上「不交否之時也禍端亂萌皆由於交尚何能保有其安樂於長久乎

○蓼彼蕭斯零露漙漙既見君子為龍為

光其德不爽壽考不忘

爽叶師莊反

與也漙漙露蕃貌龍寵也為龍為光喜其德之詞也爽差也其德不爽則壽考不忘矣褒美而祝頌之又因以勸戒之也
虞源輔氏曰使天子以得見美可知矣故因以戒之曰其德不爽壽考不忘言使其德常如此而不至於有差爽焉則當享壽考而永不忘矣
○安成劉氏曰既褒美其德之光寵而祀頌其壽考安寧又於褒美之中寓其勸之成壽之意若曰德之下變然後壽而不忘德之虧者虧也

泥乃禮反

○蓼彼蕭斯零露泥泥既見君子孔燕豈

第待禮反

豈開反叶去禮丑反

第宜兄宜弟今德壽豈

興也泥泥露濡貌孔甚豈樂第易也宜兄宜弟猶曰宜其家人蓋諸侯繼世而立多疑忌其兄弟如晉詛無畜
音易也
群公子秦鍼
音鉗懼選之類
左傳宣曰初晉驪姬之亂詛無畜群臣子自是晉無公族杜氏注云詛盟誓無公子故廢公族之官又昭公元年曰秦后子有寵於桓如二君於景其母曰弗去懼選癸卯鍼適晉注云后子秦桓公子景公母弟鍼也選數也恐景公數其罪而加戮也
故以宜兄宜弟美之亦所以警戒之也
壽豈壽而且樂也
虞源輔氏曰言既見君子相與厚為燕飲以嘉其樂易之德則又推言能以是樂易之德

而宜其兄弟焉則其令德將既壽而且樂矣○
氏曰其燕而情樂易則知其宜兄弟而德可久也
○安成劉氏曰令德壽即上章末二句之意而
宜兄弟者又即不棄其德之本而所以為教國
人者也

農奴同反

儻彰反

○蓼彼蕭斯零露漙漙既見君子儻革冲

冲較弓反

冲和鸞雛雛萬福攸同

興也濃濃厚貌儻革也革儻首也馬儻所把之外
有餘而垂者也為之故曰儻革冲冲垂貌和鸞皆
鈴也在軾曰和在鑣曰鸞皆諸侯車馬之飾也
何氏曰京山程云和金口木舌為金口金舌為在
衡上近於馬和在軾上衡是車前橫木駕馬者即

軌也軌是車上橫板手所憑伏以致敬者升車則
馬動馬動則鳴鳴則和應自然有節節奏者
車行速則不相應行遲則和應自然有節節奏者
合節奏者不相應行遲則和應自然有節節奏者
曰集傳於駟驥以馬乘車之為庭燎亦以君子目
在衡則此傳聽字恐當作衡字焉
諸侯而稱其鸞旂之美正此類也
然攸所同聚也

蓼蕭四章章六句

慶源輔氏曰一章燕笑語兮
是以有譽處兮通上下而言
之天子與諸侯皆然也下三章則專美諸侯
二章三章則又因以勸戒而警教之也

潛直咸反

晞音希厭於益反

湛湛露斯匪陽不晞厭厭夜飲不醉無歸

與也湛湛露盛貌陽日晞乾也厭厭安也亦久也
足也慶源輔氏曰厭厭二字具安
夜飲私燕也燕

詩經卷之五 小雅七十一 四九

禮宵則兩階及庭門皆設大燭焉廬陵歐陽氏曰燕當以書而言
夜飲者燕禮有宵則設燭之禮故曰夜飲也古
雖以禮飲酒有至夜者以申私燕之恩盡嚴動之
意燭於西階上甸人執大燭於庭閭人為大燭於
門外燕禮輕無庭此亦天子燕諸侯之詩言湛
燎設大燭而已
湛露斯非日則不晞以興厭厭夜飲不醉則不歸
蓋於其夜飲之終而歌之也燕禮君曰無不醉賓
酌敢不

○湛湛露斯在彼豐草厭厭夜飲在宗載
考

興也豐茂也夜飲必於宗室蓋路寢之屬也立氏

在所尊百之室○華谷嚴氏曰燕禮云
勝宰具言饌於寢東注云寢路寢也考成也
輔氏曰燕于路寢之中所以示親之之意載考謂
成其禮既云成其禮則必無過當之事矣○安成
劉氏曰在宗室而成燕禮也

○湛湛露斯在彼杞棘顯允君子莫不令

德

興也顯明允信也蓋山謝氏曰顯者其心明白洞
也達允者其心忠信誠懇無一毫
可疑君子指諸侯為賓者也令善也令德謂其飲
多而不亂德足以將之也東萊呂氏曰以德將之
為諸侯所迷矣慶源輔氏曰莫不令德言與燕
之諸侯無不
有是德也
倚於宜反

○其桐其椅其實離離豈弟君子莫不令儀

興也離離垂也令儀言醉而不喪其威儀也慶源
曰莫不令儀言與燕之諸侯無不有是儀也

湛露四章章四句

春秋傳齊武子曰諸侯朝正於王莊氏曰朝

也王燕樂之於是賦湛露曾氏曰前兩章言

厭厭夜飲後兩章言令德令儀雖過三爵亦

可謂不繼以淫矣問蓼蕭湛露二詩案子曰

實得他至誠和樂之意方好慶源輔氏曰

德矣樂易者則恐其或略於威儀也樂易君
子而威儀無不令善此其所以為威儀也
醉則情或佚焉在宗則儀可令矣然莫不令
儀此其所以為成禮也禮之親也莫不令儀
厚也此其所以為成禮也禮之親也莫不令儀
其德之存乎中者善也情之親也莫不令儀
見於外者善也情之親也莫不令儀
亦至也德雖令而儀有闕焉則上之待下者猶
夜飲所以道其情之相親也詩前兩章言厭厭
亦儀正美其德將而勉戒之哉然則是詩也其
白華之什十篇五篇無辭凡二十三章一百
零四句

詩經大全七卷終

精熟大全以卷

儀

零四句

白華之十篇正篇無積八二十三章一百

與如零四句也今儀言辭而不志其儀
衣舞美之中而又如如之若
今舞美之中而又如如之若
不以其世也禮如未九曰此
亦至也世也禮如未九曰此
良於代善善也而前兩章言
其也之宗善善也而前兩章言
早也其宗善善也而前兩章言
類也其宗善善也而前兩章言
細也其宗善善也而前兩章言
子而海謝無不令善此其心
盡矣樂是昔似怨其如如如如
如如如如如如如如如如如如

樂太史參補古今大方詩經大全卷之八

彤弓之什二之三

昭及昭歹

昭牛虛王反

彤弓昭兮受言藏之我有嘉賓中心貺之

鍾鼓既設一朝饗之

賦也彤弓朱弓也孔氏曰弓皆漆之以禦霜露彤
黑十以赤為重耳周禮無彤弓之名夏官司矢云
唐弓大以赤為重耳周禮無彤弓之名夏官司矢云
芳者勤勞昭弛貌而射氏曰說文云昭弓反謂弛之
王事也昭弛貌而射氏曰說文云昭弓反謂弛之
不貺與也大飲賓曰饗賓殺牲俎豆盛於食燕飲
張貺與也大飲賓曰饗賓殺牲俎豆盛於食燕飲

○此天子燕有功諸侯而錫以弓矢之樂歌也東
 萊呂氏曰受言藏之言其重也弓人所獻藏之王
 府以待有功不敢輕與人也中心貺之言其誠也
 中心實欲貺之非由外也一朝饗之言其速也以
 王府寶藏之弓一朝舉以畀人未嘗有遲留顧惜
 之意也震源輔氏曰守之者不重則得之者亦不
 速則其視之而不誠則其感之也亦淺畀之而不
 所以誠所以速者非懼其得之輕感之淺視之玩
 也盡吾之後之視府藏為已私分至有以武庫兵
 賜弄臣者漢哀帝建平四年上發武庫兵送侍中
 武庫兵器天下公用給其私門非所以示四方也則與
 而以天下公用給其私門非所以示四方也則與
 受言藏之者異矣賞賜非出於利誘則迫於事勢

至有朝賜鐵券而暮屠戮者唐德宗興元元年加
 懷光尋反馬燧取長春懷光縊死昭宗景福二年
 以王行瑜為太師號上父賜鐵券後王行瑜舉兵
 犯關李克用克邠則與中心貺之者異矣屯膏廬
 州王行瑜伏誅則與中心貺之者異矣屯膏廬
 羅氏曰易云屯其吝賞功臣解體至有印利平
 膏謂德澤不下也其吝賞功臣解體至有印利平
 而不忍予者漢書薛信言項羽之為人見人慈
 忍不能予此婦人則與一朝饗之者異矣喜音
 之仁也嘔凶于反則與一朝饗之者異矣喜音

○彤弓召兮受言載之我有嘉賓中心喜
 之鍾鼓既設一朝友之

賦也載抗之也安成劉氏曰載彤弓於子繁喜樂
 也右勸也尊也氏曰尊而右之也○疊山謝氏曰

古人以右為尊也

藥古刀反叶古号反

○彤弓昭兮受言曩之我有嘉賓中心好之鍾鼓既設一朝醕之

賦也曩韶好說醕報也飲酒之禮主人獻賓賓酢

主人主人又酌自飲而遂酌以飲賓謂之醕醕猶

厚也勸也曰酢一獻一酌報施足矣主人又酌賓

謂之酌所以見其意之厚也

彤弓三章章六句

慶源輔氏曰大抵此詩首章已盡其意下兩章只是咏嘆以加重焉耳曩重於載載重於藏好誠於喜誠於貶醕厚於右右尊於饗○廬陵謝氏曰始而藏器以待有功之人則不敢輕及與

推誠以錫有功之人則不敢惜王者於賞功之物始而不知重其物則必有輕視之心而人亦藝之矣終而不出於誠心又吝而不與則人雖得之亦不敢輕以爲功未有不與而無所措也王不敢輕以爲功未有不與之大權當如是矣春秋傳甯武子曰諸侯敵王所愾慨而獻其功於是乎賜之彤弓一彤矢百茲廬音弓矢干以覺報宴注曰愾恨怒也覺明也謂諸侯有四夷之功王賜之弓矢又爲歌彤弓以明報功宴樂鄭氏曰凡諸侯賜弓矢然後專征伐東萊呂氏曰所謂專征者如四夷入邊臣子篡弒不容待報者其他則九伐之法乃大司馬所職非諸侯所專也

菁子丁友

我五何反

樂音洛

儀廿五何反

與後世強臣拜輒行者異矣周禮大司馬曰

邦國馮弱犯寡則責之賊賢害民則伐之暴

內陵外則壇之野荒民散則削之負固不服

則侯之賊殺其親則正之放弑其君則殘之

犯令凌上則杜之外內亂鳥獸行則滅之

晉穆帝永和七年桓溫屢求比伐則認書不所

溫拜表轉行安帝隆興三年孫恩臨會稽特

郡劉牢之鎮京口發

兵討恩拜表轉行

菁菁者莪在彼中阿既見君子樂且有儀

興也菁菁盛貌我蘿蒿也本草注曰一名莪蒿葎

結角子長二十許微彎陸氏曰生澤田漸茹之處

中阿阿中也大陵曰阿

君子指賓客也○此亦燕飲賓客之詩言菁菁者

我則在彼中阿矣既見君子則我心喜樂而有禮

儀矣慶源輔氏曰既見君子則我心喜樂而有禮

心不至矣樂且有儀禮或不足則愛心雖至而敬

則愛敬之心兩盡矣或曰以菁菁者莪比君子容

貌威儀之盛也下章放此

○菁菁者莪在彼中阿既見君子我心則

喜止音止

興也潘室陳氏曰此篇朱子舊以為比今改為興

改今悉而下文燕存此說矣但二章三章比字皆失

正之中汙汙中也

○菁菁者莪在彼中阿既見君子錫我百

朋

興也中陵陵中也古者貨貝五貝為朋孔氏曰一蓬為大貝壯貝么貝小貝不成貝為五也鄭因經解之言有五種之貝其中以相與為朋非總五貝為一朋也錫我百朋者見之而喜如得重貨之多也

○汎汎楊舟載沉載浮既見君子我心則

休

比也楊舟楊木為舟也載則也載沉載浮猶言載清載濁載馳載驅之類以比未見君子而心不定也休者休休然言安定也夏源輔氏曰此章又追定既見之後則休休然而安定矣其意味亦深長也

菁菁者莪四章章四句

懷音西

飭音救

驟求龜不

六月棲棲戎車既飭四牡騤騤載是常服

玁狁孔熾我是用急王于出征以匡王國

賦也六月建未之月也漢代曰詩言六月初暑則為歲首而月數未嘗改也棲棲猶皇皇不安之貌戎車兵車也禮車僕掌戎路廣車闕車卒車輕車是也戎路王在軍所乘廣車橫陣之車闕車補闕之車卒猶并也對敵自隱蔽之車輕車馳敵致師之車也飭整也騤騤強貌常服戎事之常服以誅音

常為弁又以為衣而素裳白舄也周禮司服曰凡

廬陵李氏曰皮去毛熟治曰常鞞赤色也凡衣服冠色衣鞞常則弁亦鞞常也皮弁服素裳白舄則弁服亦與玁狁即獫狁北狄也孔甚熾盛匡正也

○成康既沒周室寢衰八世而厲王胡暴虐周人
 逐之出居于彘獫狁內侵逼近京邑安成劉氏曰
 陞陽而王崩子宣王靖即位命尹吉甫帥師伐之
 言也有功而歸詩人作歌以序其事如此
 則車甲器械士卒馬牛無一物不整齊矣四牡曰
 騶駟則無一馬不精強矣日載是常服則無
 一裳不經司馬法冬夏不興師今乃六月而出師
 者以獫狁甚熾其事危急故不得已而王命於是
 出征以正王國也禮豆城朱氏曰先王之法夷狄侵
 變諸侯有能討之者許之先發而後聞其急如此
 所以然者以中國不可一日而不尊天理不可一
 日而不明也今獫狁內侵不得已而應之雖六月
 出師而人不知為暴者知其過之不在於君上蓋
 以為所以勞我者乃所以安我也匡之為言正也
 夷狄橫則中國危揅夷狄固所以正中國也此述

其始受命出
 征之詞也
 比賦志友

○比物四驪閑之維則維此六月既成我
 服我服既成于三十里王于出征以佐天

子

賦也比物齊其力也釋文曰此比凡大事祭祀朝覲
 會同毛馬而頒之凡軍事物馬而頒之毛馬齊其
 色物馬齊其力吉士尚文武事尚強也則法也服
 戎服也三十里一舍也古者吉行日五十里師行
 日三十里○既比其物而曰四驪則其色又齊可

以見馬之有餘矣。閑習之而皆中法則又可以見教之有素矣。孔氏曰：戎事尚強而言四驪者，雖以彭彭又曰：乘其四驪，田獵齊足而曰四馬既駕，是皆同色也。無同色者，乃取異毛耳。驥是中駟，驂是餘而支後也。盧陵彭氏曰：陳氏云：以厲王大亂之比物，四驪開之，維則蓋其車馬之脩器械之備非一日。於是此月之中，即成我服，既成我服，即日引道，不徐不疾，盡舍而止。又見其應變之速，從事之敏，而不失其常度也。安成劉氏曰：六月之中，即成軍行，止三十里，則不失其常度矣。而王命於此而出征，欲其有以敵王所愾，而佐天子耳。

○四牡脩廣，其大有顛，薄伐玁狁，以奏膚

公有嚴有翼，共武之服，共武之服，以定王

國

賦也。脩，長廣大也。顛，大貌。奏，薦膚。大公，功嚴威翼也。共，與供同。服，事也。言將帥皆嚴敬，以共武事也。蓋山謝氏曰：薄伐者，叛則伐之，服則舍之，不窮也。征遠討也。為將必嚴，故曰有嚴。有翼，不齊為帥必嚴，不敬則軍事尚於嚴。莫先於嚴，共武之服者，如此則凡兵事莫尚於嚴。源輔氏曰：兵陰事也。服者，如此則以嚴敬為主。不嚴則不整，不整則不肅，將帥皆嚴，以嚴敬為主。此王國之所以定也。則不肅，將帥皆嚴，敬矣。有車馬為之用，則足以却後。定而不成，大功以嚴矣。為之主，則足以共武事。而先王國吉，肅之行，嚴城，朱氏曰：繼南仲之執迹矣。宜先王之國中，興也。○欽承天子威命，敬也。又曰：威克厥愛，允濟，戾也。○

敬二字乃用師之要道夫惟將帥皆受敬以共武

始知豫友

獲音獲

○穢狁匪茹整居焦穫侵鎬及方至于涇

陽織文鳥章白旆央央元戎十乘以先啟

行

賦也茹度整齊也焦獲鎬方皆地名焦未詳所在

獲郭璞以為瓠中則今在耀州三原縣也耀州三原縣今

隸陝西鎬劉向以為千里之鎬則非鎬京之鎬矣

亦未詳其所在也前漢書劉向曰吉甫之歸周厚

方疑即朔方也安成劉

仲亦以儉狁之難往城于方靈夏等州涇陽涇水

之地則此儉狁所侵者疑即其地也豐鎬在今陝西

其深入為寇也織幟字同鳥章鳥隼之章也東萊

皆織之文也鳥章特其一耳白旆繼旒者也曹氏

帛績流未為燕尾則旆也央央鮮明貌元大也

戎戎車也軍之前鋒也啟開行道也猶言發程也

史記三王世家注曰韓嬰章句云車有大戎十乘

謂車後輪馬被甲對軌之上蓋有劍戟名曰陷軍

之車無選鋒曰北元戎十乘所謂鋒也兵法

破陣左傳所謂先聲有奪人之心也言穢狁不

自度量深入為寇如此是以建此旌旗選鋒銳進

聲其罪而致討焉直而壯律而戒有所不戰戰必

勝矣安成劉氏曰左傳云師直為壯曲為老今因出以律否臧凶今討後化而旌旗鮮明選鋒說進則津而臧矣此所以為宣王中興之師也欽○靈城朱氏曰後化惟不自度量故其大衆整齊既據於焦獲之間其輕軍拚襲復時出入乎端方之地且遠及乎涇水之陽馬其深入為寇如此可謂歲矣於是建旗旋選鋒銳以攘之然謂之十乘則為馬四匹中士三十人其為步卒亦不過七百之二人而止耳數非加多也而味其辭意則後化之難也若不足平矣所以然者惟其辭意則後化壯惟其用之以律故每事而盡善彼夷狄雖衆且盛又烏足以敵王首之師哉

○戎車既安如輕如軒四牡既佶既佶且

閑音間叶胡田反

閑薄伐玁狁至于太原文武吉甫萬邦為

憲叶許言反

憲

賦也輕車之覆而前也軒車之却而後也凡車從後視之如輕從前視之如軒然後適調也凡車之勢一高一低佶壯健貌蓋山謝氏曰戎車既安矣必曰閑也四牡既強矣必曰既佶且大原地名亦曰大鹵今在太原府曲陽縣即今太原府陽山縣至于太原言逐出之而已不窮追也先王治戎狄之法如此前漢書檢稅曰宣王時獫狁內侵禽將征之盡境而還其視戎狄之侵警猶螽蟥之螫鷖之而已吉甫尹吉甫此時大將也憲法也非文無以附衆非武無以威敵能文能武則萬邦以之為法矣原慶

輔氏曰此章則言其車之適調而安穩馬之壯健而閑習逐出檢狝至於太原而已則吉甫之文武兼資德威並用進止有度縱舍有法可謂全才矣萬邦安得不以之為法哉○疊山謝氏曰漢唐而下縉紳介冑分為兩途愚懦武夫各持一說不知三代將帥必文武全才可以為萬邦之法則者也

○安成劉氏曰此言吉甫之武必先之以文上言吉甫共武之服必本於嚴翼之德末言吉甫飲至必及於拉孝友之友文武備誠非兩途也此伐可見其武於高烝民詩可見其文○廬陵曹氏曰夫服遠之道固在於兵威之盛而尤在於德望之隆恃兵威之盛而有窮黷之心非所以為服遠之道也今吉甫之盛而有文以附衆有武以威敵而皆以之為法焉則所謂檢狝者逐出至於太原而已亦何恃乎窮追哉使非有德以服乎人心則固無以威敵矣雖窮師黷武豈能有成功哉

○吉甫燕喜既多受祉來歸自鎬我行未

父飲御諸友包饗贈鯉侯誰在矣張仲孝

友

賦也祉福御進侯維也張仲吉甫之友也善父母曰孝善兄弟曰友○此言吉甫燕飲喜樂多受福祉蓋以其歸自鎬而行未父也是以飲酒進饌於朋友漢氏曰鼈龜屬俗呼團魚而孝友之張仲在焉言其所與宴者之賢所以賢吉甫而善是燕也

臨川王氏曰忠也者移孝以爲之者也順也者移友而爲之者也故言忠順之臣必及孝友之友○慶源輔氏曰吉甫以天子之將有功而歸朝與宴者固不一也後篇謂方叔嘗與伐獫狁者亦豈得而不與焉而詩人乃獨舉夫孝友張仲之爲資則又可見吉甫之文而不專於武功爲美矣然此但爲吉甫既歸而私自與朋友燕飲而已非宣王燕之也○豐城朱氏曰宣王非吉甫無以成其德詩人美吉甫之燕而并及甫非張仲無以成其德詩人美吉甫無以成其德詩人美吉甫之燕而并及

乎張仲者正以見宣王之中興以有吉甫而吉甫
其素則文武之德何自成而修接之功何自立哉

六月六章章八句

御之五章言治戎有備四章言後從來侵從而
不窮追也六章言休兵飲至樂與孝友之出
同其燕樂則窮兵黷武之意消矣又曰北伐
之事所以自治者常優暇而有餘所治於彼
者常簡畧而不盡○蓋山謝氏曰一章曰戎
車既饒四牡騤騤二章曰比物四驪三章曰
四牡脩廣五章曰戎車既安四牡既信西北
平原廣野舉目千里利於車戰故此詩以車
馬為重也

芭音起

蒞音利

薄言采芑于彼新田于此畷畝方叔涖止

乘彛承反

其車三千師干之試方叔率止乘其四騏

與許力反 第音弗

條音條

四騏翼翼路車有與篚第魚服鉤膺條革

與也芑苦菜也青白色摘其葉有白汁出肥可生

食亦可烝為茹即今苦蕒買音菜宜馬食軍行采之

人馬皆可食也田一歲曰菑二歲曰新田三歲曰

畷韻會曰田一歲曰菑始反草也二歲曰新田三歲曰

畷柔也三歲曰新田已成田而尚新也四歲則曰

新矣○孔氏曰菑者田已成田而尚新也四歲則曰

反草為也方叔宣王卿士受命為將者也涖臨也其

車三千法當用三十萬衆蓋兵車一乘甲士三人

步卒七十二人又二十五人將重車在後凡百人

也安成劉氏曰兵車戰鬪之車駕馬所謂小車也

也重車輜重之車駕牛所謂大車也兵車一乘則

士卒七十五人重車一乘則將之者二十五人其中炊家子十人固守衣甲五人廐養五人供給五人然此亦極其盛而言未必實有此數也朱子曰為燕起鄉遂之過詩人但言極其盛而稱之也皆師衆以辭害意之過也

干扞也試肄習也言衆且練也率總率之也翼翼順序貌路車戎路也與赤貌眉山蘇氏曰路車金氏曰瞻彼洛矣誅詒有與彼篔簹第以方文竹篔簹為茅蒐染而為黃故知赤貌也

車蔽也鈎膺馬姿領有鈎而在膺有樊樊盤有纓也樊馬大帶纓鞅聲央上也孔氏曰五路惟金有鈎在馬膺之飾惟有樊纓故引樊纓以解膺方叔不乘革路者以革路臨陣所乘○宣王之時蠻荆音計織毛為之條革見蓼蕭篇○宣王之時蠻荆背叛王命方叔南征軍行采芑而食故賦其事以

起興曰薄言采芑則于彼新田于此畝矣方叔涖止則其車三千師干之試矣又遂言其車馬之美以見軍容之盛也朱子曰南征荆蠻想不甚費其軍容之盛而巳

芑音起

○薄言采芑于彼新田于此中鄉方叔涖

止其車三千旂旐央央方叔率止約軝錯

衡八鸞瑒瑒服其命服朱芾斯皇有瑒葱

衡八鸞

倉七羊反

軝析支反

珩

興也中鄉民居其田尤治約束軹轂也以皮纏束
 兵車之轂而朱之也錯文也鈴在鑣曰鳶馬口兩
 旁各一四馬故八也瑒瑒聲也廬陵彭氏曰荀子
鳶皆以爲耳目則錯衡入命服天子所命之服也
 朱芾黃朱之芾也孔氏曰諸皇猶煌煌也瑒玉聲
 葱蒼色如葱者也珩佩首橫玉也禮三命赤芾葱
 珩孔氏曰三命至九命皆葱珩非謂方叔唯三命
戎馬所以然者方叔克其猶如吳起將戰不帶
預身不跨武侯自能制勝故詩人誅其車服之羞而
巴廬陵彭氏曰此與上章言方叔帥兵之時其
精神氣焰見於旌旗車馬佩服之間有以聳人觀

○駢彼飛隼其飛戾天亦集爰止方叔涖
 止其車三千師干之試方叔率止鉦人伐
 鼓陳師鞠旅顯允方叔伐鼓淵淵振旅闐

聽其勝敵也必矣○慶源輔氏曰首章其車二千
 師干之試云者其車馬之衆盛與師衆之所以扞
 禦夫敵者又練習也二章其車三千旂旗中央云
 者則言其車馬之衆盛與師衆之所以扞禦夫
 而後言其率止者始則臨之終則率之以行也首
 乘其四駢以下言方叔所乘之戎路其飾甚修二
 章約軹錯衡以下言又言車馬之盛命服之威嚴
 見天子可以付託之重錫命之榮而方叔之威嚴
 如此司命者與矣

詩經卷之六

徒類友

闕

興也隼鷃屬急疾之鳥也名隼鷃曰一疾至爰於也
 鉦鐃也鐃也代擊也鉦以靜之鼓以動之鉦鼓各
 有人而言鉦人伐鼓互文也孔氏曰說文云鉦鐃
 則鐃鉦俱得鉦名之鐃似小鍾鉦似大鐃也
 之異耳凡軍進退皆鼓動鉦非臨陣獨然此又
 在陳師鞠旅之節是未戰時事也漢氏曰周禮
 云鼓人以金鐃節鼓以金鐃止鼓即無鉦名則鐃
 實用於鼓故詩云然鞠告也二千五百人為師五
 百人為旅此言將戰陳其師旅而誓告之也陳師
 鞠旅亦互文耳淵淵鼓聲平和不暴怒也謂戰時
 進士衆也振止旅衆也言戰罷而止其衆以入也

春秋傳曰出曰治兵入曰振旅是也孔氏曰治兵
 於反尊卑也出則幼賤在前貴勇闕闕亦鼓聲也
 力也入則尊老在前復常法也闕闕然
 或曰盛貌孔氏曰戰止又復鼓闕闕然
 旅亦以鼓行金止言隼飛戾天而亦集於所止
 以興師衆之盛而進退有節如下文所云也程子
 之急戾亦集於所止與兵雖強用之有節而不過
 也慶源輔氏曰上二章但言其車馬服飾之盛
 美而已故此章又以上二章之急疾與其猛鷃以亦
 集爰止與其進退有節也其進退之有節者蓋以
 將戰而誓衆有法既戰而鼓聲不暴戰罷振旅而
 入則又齊一而無先後也

○秦繆爾蠻荆大邦為讎方叔元老克壯其
 猶方叔率止執訊獲醜戎車嘽嘽嘽嘽嘽嘽

詩經卷之六

焯如霆如雷顯允方叔征伐獫狁蠻荆來

威
焯吐舟反
焯上帶反

賦也。蠢者動而無知之貌。蠻荆，荆州之蠻也。大邦猶言中國也。元，大。猶謀也。言方叔雖老而謀則壯也。安成劉氏曰：方叔以元老而率師，雖老而謀則壯也。則師卦所謂丈人所謂長子者也。焯，焯也。焯，盛也。霆，疾雷也。急疾者謂霹靂之。方叔蓋嘗與於北伐之功者，是以蠻荆聞其名而皆來畏服也。
新安胡氏曰：王氏云此章美其成功，言以宿將董大眾，荆人自服，不待戰而屈也。

采芑四章七十二句
求加陳氏曰：北伐南征之詩，班師時作六月之辭也。

采芑之辭，爰六月以討而定，采芑以威而服也。○靈成朱氏曰：北伐之詩，是言行軍之法，南征之詩，是紀行軍之實，不言其法，則無以見軍制之復不紀其實，則無以見民數之復欲知宣王之復古，觀此二詩而可見矣。夫豈曰夸云乎哉。

我車既攻我馬既同四牡龐龐駕言徂東

賦也。攻，堅。同，齊也。傳曰：宗廟齊，尚純也。毛尚戎事，齊力尚強也。斯馬氏曰：齊田獵，齊足尚疾也。其馬足。龐龐，克實也。東，東都洛邑也。○周相成王，營洛邑，為東都，以朝諸侯。周室既衰，其禮至於宣王，內脩政事，外攘夷狄，復文武之士，脩車馬，備器械，復會諸侯于東都，因田獵而

言多大全... 十五

車徒焉故詩人作此以美之宋子曰好田獵之
王之中田乃是因此見其車馬之盛紀律之嚴所
為中興之勢者在此其所謂田者異乎尋常之
矣首章汎言將往東都也慶源輔氏曰車以
章既言其攻與同矣故二章但言其善與盛也
靈城朱氏曰車攻馬同泛言其軍實之盛也四
麗麗則自君子所乘者言之也軍政隋治於開
之時而四壯克實於啓行之目則可以駕言而祖
東矣好叶音厚反
皇符有反
草叶此音反

○田車既好四牡孔阜東有南草駕言行

狩

賦也田車田獵之車好善也阜盛大也南草南田
也后為鄭地今開封府中牟縣西圃田澤是也宣

王之時未有鄭國圃田屬東都畿內故往田也
劉氏曰宣王嘗封庶弟于西和咸林之地是為鄭
桓公其子武公當平王時徙封于東都然後
圃田為鄭地○開封府中牟縣今隸河南
章指言將往狩于圃田也
叶音毛
黃四句反

○之子于苗選徒囂囂建旒設旒搏獸于

教

賦也之子有司也宋子曰不敢斥王苗狩獵之通
名也選數也囂囂聲衆盛也數車徒者其聲囂囂
則車徒之衆可知且車徒不譁而惟數者有聲又
見其靜治也教近榮陽地名也東萊呂氏曰教山
名晉師故鄭在教

謂東有南草即此地也。○此章言至東都而選徒以獵也。孔氏曰：言選車徒各器械，搏取禽獸于會諸侯，為以待會，而二章三章先言田獵也。○慶源輔氏曰：選徒，置置言其眾且肅也。既選其車徒矣，則建設其旗旄，馬見其序且整也。方選徒以獵而巡，曰搏獸于教，言其士眾之勇而氣大，事小也。徒手曰搏。

○駕彼四牡，四牡奕奕，赤芾金舄，會同有

釋

賦也。奕奕，連絡布散之貌。赤芾，諸侯之服。禮記曰：王君宜朱芾，而此赤芾者，會同故也。位其臣庶，則朱芾君道也。故方叔服其命服，則朱芾會同於王，則赤芾臣道也。故此金舄赤舄，而加金飾，亦諸侯之會同則赤芾也。

服也。鄭氏曰：金舄，時見曰會。啟見曰同。鄭氏曰：期也。繹，陳列聯屬之貌也。○此章言諸侯來會朝于東都也。○廬陵曹氏曰：此章言諸侯來會朝，可見人之心之齊也。使其人心之未合，則諸侯或不之安，能聯屬如此之盛乎。東都洛邑，本諸侯朝覲之地，而夷厲以來，此禮久廢。宣王中興，復古再見，斯會詩人所以美之也。

○決拾既飲，弓矢既調，射夫既同，助我舉

柴

賦也。決，以象骨為之，著於右手大指，所以鉤弦開體拾以皮為之，著於左臂以遂弦，故亦名遂。禮記曰：射者，

以音次與舉叶

調讀如同與同叶

詩經卷八

周禮注疏人注云拾輔扞也著左臂裏也
此也調謂弓強弱與矢輕重相得也
必審視之端正則可用弦微有偏斜必加矯揉此
亦則不中弓之調而矢重必視弓力之強弱而此
夫即諸侯以下也調也射夫蓋諸侯來會者
夫男子之總名也同協也柴說文作柴謂積禽也
使諸侯之人助而舉之言獲多也○此章言既會
同而田獵也

○四牡既駕兩驂不倚不失其馳舍矢如

破

彼奇普通三友

奇於寄于後園二友

馳叶徒日反舍音捨

賦也倚偏倚不正也馳驅之法也
日過君表五曰逐禽也舍矢如破巧而力也
御田車馳驅之法也舍矢如破巧而力也
曰不善射御者詭遇則獲不然不能也今御者不
失其馳驅之法而射者舍矢如破則可謂善射御
矣○慶源輔氏曰首章云既同則齊其足矣而此
四黃又言色之純也兩驂不倚御能正其馬也
失其馳驅之法而射者舍矢如破則可謂善射御
也○鄭氏曰射者之法也舍矢如破則可謂善射御
此章言田獵而見其射御之善也

○蕭蕭馬鳴悠悠旆旌徒御不驚馬大庖不

盈

庖薄父友
盈音

賦也蕭蕭悠悠皆閑暇之貌孔氏曰軍旅齊肅惟
賦悠悠然旆旌之徒步卒也御車御也驚如漢書夜
狀無有誼譯者漢景帝三年周亞夫相引兵擊吳楚深
軍中驚之驚壁而守夜軍中驚內相攻擊擾亂至
帳下亞夫堅卧不驚言比至也志反卒事終事不喧
不驚也大庖君庖也不盈言取之有度不極欲也蓋
古者田獵獲禽面傷不獻踐音毛不獻孔氏曰面
射之不獻者毛謂在傍而逆射不成禽不獻孔氏曰惡
擇取三等自左標音而射之達於右膂音為上殺
以為乾豆奉宗廟釋文曰膂脅後解前肉也膂達
右耳本者次之以為賓客孔氏曰亦自左射之達
微惡已射左補爾步達于右音為下殺以克

君庖孔氏曰解腹外肅水賺音兼也右謂右每禽
取三十馬每等得十其餘以與士大夫習射于澤
宮中者取之禮記射義注曰澤宮名所以擇士也
於習射于澤已乃射于射宮諸臣及貢士也皆先
不得禽而中田不得禽則得禽田得禽而射不中則
貴仁義而賤勇力也是以獲雖多而君庖不盈也
張子曰饌雖多而無餘者均及於眾而有法耳凡
事有法則何患乎不均也舊說不驚驚也不盈盈
也亦通鄭氏曰反其此章言其終事嚴而頒禽
均也慶源輔氏曰蕭蕭馬鳴悠悠旆旌見其整暇
擾也大庖不足以盈見其循禮守法而不從欲取之
也事也

之子于征有聞無聲允矣君子展也大

成

賦也允信展誠也聞師之行而不聞其聲言至肅也信矣其君子也誠哉其大成也慶源輔氏曰聞其聲則可見其師律之嚴肅大凡行軍用師要須如此方其不然皆苟道也章末二句乃美宣王也大成言其事之有始有終也○廬陵彭氏曰宣王治兵之法其見於田獵已如○此章總序其事之始終而深美之也安成劉氏曰楚辭集註云凡作此詩人固信其大有成也○此章總序其事之始終而深美之也今此詩言田事以上七章既成撮其大要以爲亂序此章又言其始事之整肅終事之有成以深美之亦猶楚辭之有亂卒章皆然○豐城朱氏曰存于中而有與哀撥亂之志施于外而

有內脩外攘之事如此得不謂之君子乎靜治之往狩之初嚴肅於旋歸之際如此得不謂之大乎此王道之所以爲大而詩人所以贊美之也

車攻八章章四句

以五章以下考之恐當作四章章八句安成劉氏曰五章六章通言其田獵射御七章八章通言其始終整肅而且音韻各相諧叶故疑其當以八句成章馬盛倫將徙東都南田之地合三句通言八句通言天子諸侯來會東都之事章總爲四章戊叶莫孔反

吉日維戊既伯既禱田車既好四牡孔阜升彼大阜從其群醜禱叶丁口反
好叶許口反

賦也戊剛日也伯馬祖也謂天駟房星之神也晉文志曰房四星亦曰天駟為天馬主車駕○孔氏曰伯者長也馬之祖始是長也夏官校人春祭馬房四星謂之天駟故醜衆也謂禽獸之群衆也○此亦宣王之詩言田獵將用馬力故以吉日祭馬祖而禱之駟力則又備禮禱之既祭而車在馬健於是可歷險而從禽也以下章推之是日也其戊辰歟

○吉日庚午既差我馬獸之所同麀鹿麀

麀魚憂反且七徐反漆沮之從天子之所

賦也庚午亦剛日也孔氏曰外事以剛日○禮擇齊其足也○安成劉氏曰此言差馬同聚也鹿牝曰麀麀麀衆多也漆沮水名在西都畿內涇渭之北所謂洛水今自延常流入鄜音坊至同州入河也○三山李氏曰古疏云漆沮在涇水之東一名洛也○安成劉氏曰此言漆沮之從猶車攻言南○草敷地彼則狩于東都此則狩于西都也○戊辰之日既禱矣越三日庚午遂擇其馬而乘之視獸之所聚麀鹿最多之處而從之惟漆沮之旁為盛宜為天子田獵之所也

○瞻彼中原其祈孔有儻儻俟俟或群或

儻表驕反俟于紀反

友。悉。率。左。右。以。燕。天。子。

賦也。中原原中也。初大也。趣則儻儻行則俟俟。獸
 三曰群。二曰友。燕樂也。○言從王者視彼禽之多
 於是率其同事之人各共其事以樂天子也。安成
 此言率左右以樂天子。猶車攻之射夫同而助舉
 也。

○既張我弓。既挾我矢。發彼小犯。殪此大

兕餘展反

兕以御賓客。且以酌醴。

賦也。發發矢也。豕牝曰犯。一矢而死曰殪。兕野牛

挾子治煩反

犯音巴

也。言能中微而制大也。孔氏曰小犯云發言發則

之善。猶車攻。言舍矢如破也。御進也。醴酒名。周官

五齊。去二曰醴。齊注曰醴成而汁滓相將。如今

酒也。齊四曰醴。齊酒正曰沈。齊注醴猶射也。此齊

時上下一體。汁。○言射而獲禽以為俎。實進於賓

客而酌醴也。疊山謝氏曰田而得禽天子不以自

以酌醴。燕諸侯及群臣也。先王禮群臣懷諸侯。常

有恩惠。其用心公溥而均齊。常以一人養天下不

客亦猶車攻。言大庖不盈之意也。此言進禽於賓

力以共其所得之獸供俎實使天子得與賓

取擇其地以為田獵之所也。三章言相與

取擇其地以為田獵之所也。三章言相與

取擇其地以為田獵之所也。三章言相與

東萊呂氏曰車攻吉日所以為復古者何也
 蓋蒐狩之禮可以見王賦之復焉可以見軍
 實之盛焉可以見師律之嚴焉可以見上下
 之情焉可以見綜理之周焉欲明文武之功
 業者此亦足以觀矣慶源輔氏曰東萊之說
 字尤切王賦謂車馬之出軍實謂軍器之數
 師律謂進退之度上下之情諸侯及左右之
 人相率以共其事而天子與之燕飲以為
 樂也綜理之法終事嚴整必講儀也必擇車
 備射御有法終事嚴整必講儀也必擇車
 無功業者固不止于二詩所言蒐狩之事然
 武二詩而觀之則其車馬徒御之所出可見
 王賦之復也龍旌車飾之備決拾弓矢之精
 可見軍實之盛也選徒則置器置徒御則不
 行者有聞而無聲又可見師律之嚴也會同
 有繹而助我舉掌悉率左右而以燕天子又

鴻鴈于飛肅肅其羽之子于征劬勞于野

爰及矜人哀此鰥寡

可見其上下之情也將用馬力而既伯既
 頌禽之均而大庖不盈又可見其綜理之周
 密蓋一事之間而五美具焉
 興也大曰鴻小曰鴈孔氏曰俱是水鳥肅肅羽聲
 也之子流民自相謂也征行也劬勞病苦也矜
 也老而無妻曰鰥老而無夫曰寡○舊說周室中
 衰萬民離散而宣王能勞來還定安集之臨川王
 者定之危者安之散者集之故流民喜之而作
 此詩追叙其始而言曰鴻鴈于飛則肅肅其羽矣

之子于征則劬勞于野矣眉山蘇氏曰人民離散
所不往徒聞其羽聲且其劬勞者皆鰥寡可哀
肅肅未知所止也愛及於人哀此鰥寡又言其
之人也所與行者死非可憐之人而就其中又惟
鰥寡之然今亦未有以見其為宣王之詩後三篇
可哀也放此

○鴻鴈于飛集于中澤之子于垣百堵皆

堵丁古反

作雖則劬勞其究安宅

劬叶豈期反

興也中澤澤中也一丈為板五板為堵孔氏曰板
周禮說一堵之究終也○流民自言鴻鴈集于中
牆長丈高一丈之究終也

澤以興已之得其所止而築室以居今雖勞苦而
終獲安定也

○鴻鴈于飛哀鳴嗷嗷維此哲人謂我劬

嗷五刀反

勞維彼愚人謂我宣驕

驕叶音高

比也流民以鴻鴈哀鳴自比而作此歌也哲知宣
示也知者聞我歌知其出於劬勞不知者謂我閑
暇而宣驕也韓詩云勞者歌其事魏風亦云我歌
且謠不知我者謂我士也驕大抵歌多出於勞苦
而不知者常以為驕也慶源輔氏曰蓋非明知者
真能体恤我前日之情則

亦焉能知其病苦之實哉若但見其今日之安定則必以我之此歌為閑暇而宣驕矣

鴻鴈三章章六句豐城朱氏曰惠鮮鰥寡文王

宣王之所興也夫鰥寡及矜人哀此鰥寡之窮而無告者聖人一視則必自鰥寡一物而不在所愛而其發政施仁則必自鰥寡一物而誠使鰥寡獨各得其所則天下之民無不于其澤者矣宣王之於此也其於鰥寡之流離安宅自其終之安而不知者則反以爲也

夜如何其夜未央庭燎之光君子至止其音基

將七羊反

聲將將

賦也其語辭央中也朝海胡氏曰說文云央中央

宛亦在水中中央庭燎大燭也諸侯將朝則司烜音以

物百枚并而束之設于門內也氣氏曰庭燎者樹

司烜供之樹于門外曰大燭門內曰庭燎郊特牲

注曰庭燎之樹于門外曰大燭門內曰庭燎郊特牲

用百以物百枚并而束之令則用松蒿竹灌以

也膏君子諸侯也將將鸞鑣聲○王將起視朝不

安於寢而問夜之早晚曰夜如何哉夜雖未央而

庭燎光矣朝者至而聞其鸞鑣聲矣

艾音又又如字 晰之世反與艾叶

嗷呼會友

鸞聲嗷嗷

賦也艾畫也晰晰小明也臨川王氏曰其光衰也嗷嗷近而聞其徐行聲有節也安成劉氏曰首章述王初問此章再問恐亦如齊風雞鳴之例也

鄉許亮反

輝許云反

○夜如何其夜鄉晨庭燎有輝君子至止言觀其旂

賦也鄉晨近曉也渤海胡氏曰從夜未央至輝火未盡從未盡至鄉明也氣也天欲明而見其烟光相雜也宋子曰此是吳朝之時也朝禮別有功既至而觀其旂則辨色矣鄭氏曰見其旂是

色始入

庭燎三章章五句

安成劉氏曰列女傳云宣王嘗晏起姜后脫簪珥待罪於求巷宣王感悟于是勤於政事早朝晏退卒成中興之名以此証之或果宣王詩也

沔綿善友

朝直通反

海叶虎有反說惟必友隼息允反

沔彼流水朝宗于海駢彼飛隼載飛載止

友叶羽軌反

嗟我兄弟邦人諸友莫肯念亂誰無父母

興也沔水流滿也諸侯春見天子曰朝夏見曰宗孔氏曰朝朝也欲其來之早宗尊也欲其尊王也九峯蔡氏曰水勢橫趨于海猶諸侯朝宗于王也○此憂亂之詩言流水猶朝宗于海飛隼猶或有所止而我之兄弟諸友乃無肯念亂者誰獨無父

母乎亂則憂或及之是豈可以不念哉疊山謝氏
一遇亂不足惜父母之遇亂深可憂誰無父母不為
必思所以救亂也
湯失羊友

○沔彼流水其流湯湯駢彼飛集載飛載

行叶戶即反

揚念彼不蹟載起載行心之憂矣不可弭
忘

興也湯湯波流盛貌不蹟不循道也載起載行言
憂念之深不遑寧處也弭止也水盛集揚以興憂
亂之不能忘也慶源輔氏曰不循道理則危亂之
由也載起載行則憂思之深也

○駢彼飛集率彼中陵民之訛言寧莫之
懲我友敬矣說言其興

興也率循訛偽懲止也○隼之高飛猶循彼中陵
而民之訛言乃無懲止之者然我之友誠能敬以
自持矣則說言何自而興乎始憂於人而卒反諸
已也慶源輔氏曰衰亂之世訛言繁興使人無所
之懲也適從而卒歸于危亡禍敗此所以嘆其寧莫
與則是無自而興也先生所謂始憂於人而卒反
諸已者深得其意凡有不得者皆反求諸已此自
修之事也

沔水三章二章章八句一章六句

定宇陳氏曰

及父母終憂說而敬以反身憂念
之中不忘孝敬詩人忠厚之意也

鶴鳴于九臯聲聞于野魚潛在淵或在于

檀叶徒松反下同

謹言註

渚樂彼之園爰有樹檀其下維擇他山之

石可以為錯

此也鶴鳥名長頸竦身高脚頂赤身白頸尾黑其

鳴高亮聞八九里臯澤中水溢出所為坎從外數

至九喻深遠也釋文曰韓詩云九臯九折之澤

落也藍田曰呂氏曰錯礪石也○此詩之作不可知

其所由然必陳善納誨之辭也慶源輔氏曰然不

物而為言者正所謂風刺上者皆不主於政事而

主於文詞不以正蓋鶴鳴于九臯而聲聞于野言

諫而托物以諫也慶源輔氏曰所以魚潛在淵而或

誠之不可揜也風王曰誠身也所以園有

在于渚言理之無定在也慶源輔氏曰所以園有

樹檀而其下維擇言愛當知其惡也他山之石而

可以為錯言憎當知其善也慶源輔氏曰所以風

夫必能去私欲之蔽然後可以明善由是四者引

而伸之觸類而長之天下之理其庶幾乎盧陵曹

下之理散于萬事若能反于身而求之觸類而長

之未有不為吾之益也鶴鳴所以喻誠身魚

替所以喻明理檀石錯又所以正人心好惡之

偏因物而推之皆可

○鶴鳴于九臯聲聞于天魚在于渚或潛

在淵樂彼之園爰有樹檀其下維穀他山之石可以攻玉

比也穀一名楮惡木也孔氏曰陸氏云幽州人謂中州人謂之楮股中宗時穀桑共生是也今江南人績其皮以為布又禱以為紙樹皮班者是指白者是攻錯也程子曰王之溫潤天下之至美也石之麓厲天下之至惡也然兩玉相磨不可以成器以石磨之然後王之為器得以成焉猶君子之與小人處也橫逆侵加然後脩省畏避動心忍性增益預防而義理生焉道德成焉吾聞諸邵子云程子曰即子云有才之正者有才之不正者他山之石其小人之才乎○疊山謝氏曰和類與善類

非同氣猶玉石不同山石而攻玉猶小人謗君子以無德所以傲君子而勉為全才也鶴鳴二章章九句朱子曰鶴鳴傲君子之無才所以二章殊無一句思全不發露○三山呂氏曰朱子曰知誠之不可掩已意其詩最難曉○豐城誠身之知形迹欲揜而肺肝已見所以不可無而理無精粗也知理之無定在則知事有精粗可無明善之功也知大小而理無大知小所以不之善則可以親愛賤惡也知之不可當知其惡憎當知其去其私欲之蔽也所以干應接之間左不可不夫誠而欲此所以為陳善納誨之辭也疑脫兩句當為二百六十一句

詩經大全八卷終

南宮

問所

[Faint, mostly illegible text in vertical columns, likely bleed-through from the reverse side of the page.]

